

# ÑALELWA



Halu yemeñi ona cwalo halunze lu inamisize litho zaluna. Mulena Jesu, luna kaniti lwa lumela. U lu bulelezi kuli lu lumele, mi lwa lumela cwale. Mi lu fa buitumelo ku Wena ni tumbo ka se lu utwile kale ni se lu boni, sani si swalisa tumelo ya luna katata. Mo lu itumelela ku Wena ka kolo yeñwi ya kutaha ku to sebezeza ka kutusa baba tokwile. Cwale Na Ku lapela, Mulimu, kuli lu fumane ze lutokwa za luna kuya ka sepiso ya Hao. Ka Libizo la Jesu lwa likupa. Amen.

<sup>2</sup> Lu tabile hahulu busihu bo ka lithonolo la kukutela mwa tabernakele hape, kuto—kuto . . . ni Evangeli ya Mulena Jesu ya zuhile. Mi Ni liyehile nyana fela. Ne nina ni taba ya sipundumukela yene zwelela kwa Michigan ona cwale fa. Mi Mulena aeza nto ye makaza ku musali yani. Mawi, Mwa zibela lika kaufela ni ku libeya fela . . . Hamu lukeli ku Mu bulelela; Wa ziba, Wa ziba fela kuli ki likamañi zeo. Mi kacwalo luitumezi hahulu. Sicaba si zamaile musihali kaufela ka limota fa kutofita kwanu. Mi, he, lu itumela hahulu ka seo. Cwale, musike mwa libala za . . .

Tepu ye ya tuka? [Muzwale Neville uli, “Ki fo fa kutukiseza.”—Mu.] Oh, fa kutukiseza. Na bona.

Musike mwa libala li—li lisebezezo biki yetaha ye, la Bulalu busihu, ni la Sunda yetatama kakusasana, ni la Sunda busihu. Haiba muteni, mwa libaka za fa kaufi, Ni ziba kuli bakona kutabela kuba ni mina kwani.

Mi cwale, mu ni lapelele kwateni, ha Ni nze ni ya mwa musipili kusili, mi Ni sepa ku yo kuta hape cwanoñu.

<sup>3</sup> Ni bata kuitumela ku mina kaufela ka sishemo ni likupuzo ze mu ni ezelize. Mi muzwale uni lumezi suti ya liapalo kuzwelela kwa Georgia. Mi—mi sicaba sani . . . Ki babande fela. Mi Ni bata kuitumela kwa sicaba sani se si zwa kwa Kentucky, sene Ni li ni sona bii yefelile kwa pumulo. Ni kaufela sana lu ezelize Mulena kwani, lizoho lelituna, leli mata le lu boni la Hae, sa Na ezize.

<sup>4</sup> Cwale lu sepa ku mi bona hape cwanoñu nyana fa, Ni sa kuta fela ka nzila ye, ni ya kwa New York kwa mukopano. Kwani ki kwa Stone Church ni Muzwale Vick, ka kukala, Ni sepa kuli ki ka kweli ya Njimwana la twelufu. Mi lu kaba kwanu, mazazi nyana nako yani isika fita kale.

Mi lu ka yo kuta hape, kuya kwa—kwa Shreveport, Louisiana, ni Muzwale Jack Moore. Kwani ki ku za Buitumelo, sunda ya za Buitumelo, lu yo ba kwani kwa Shreveport. Se li patalizwe kale fa papazo, Na sepa, kwani mwa lizibiso.

<sup>5</sup> Mi lu sepa kuba ni balikani babañwi ba kwa Mboela kasamulaho wa Kilisimasi. Mi lu kaba mwa Phoenix ka Sope. Mi ni kulibelela pizo yezwa kwabuse bwa mawate, kuli luitukiseze mikopano ya kwabuse bwa mawate. Basweli kubeleka ku yona cwale, ona kweli yefelile ye, Muzwale Borders, nasweli kuambola na ni fa, kukalela kwa musipili wa lifasi kaufela ni kukala kapili fela mo lukona kubela baba itukisize, kono lu lukela kulibelela litaelo.

<sup>6</sup> Nyangela ki yetuna hahulu kulo kwani, halukoni ku ba beya mwa miyaho; lu ka ba inisa fela fande fafasi. Mi fokuñwi ba ekezehanga, mane fokuñwi haku konahali ku akaleza linombolo, fokuñwi ikona kuba likiti ze mashumi aketalizoho. Bao ki batu ba bakuma fa licika la milioni mwa puteho iliñwi fela; isiñi buñata bwa ba bataha kutoba mwa mukopano ka mazazi a mañata, kono ki puteho iliñwi. Mwa ziba, hañata babuleli ba balanga buñata bwa batu baba tile mwahala lisunda ze silezi. Mwa bona? Kono luna—luna lubala fela babatile ka lizazi leo, nako iliñwi yani. Mi kacwalo linako zeñwi hakubangi sibaka sa ku bainisa teñi, mwa ziba, ki ku ba beya fela fande fafasi.

Mi lu lukela kuketa likweli hakusana pula ni litabula. Mi sicaba sani saina fande cwalo. . . Ni boni basali habaina fande fani ni milili yabona inge iswala fafasi, batu baba tinile hande luli, mi kipeto—kipeto baina fani musihali kaufela. Bali kuina ona fani, mi inge isweli kunela, ni ku luma ya mishika, ni ku monyeha mamonyi, ni mañungwa inge afuka cwalo, mi kipeto ba sinana fela mwahala bona kwapata ni kwa mulaho ona cwalo, bali kuina ona fani, balibelezi kufitela mu to ba lapepela. Mwabona? Cwale, mwa ziba kuli Mulimu u kuteka tumelo ye cwalo. Wa ikuteka.

<sup>7</sup> Mu lukela kueza sika sesiñwi sa lukela kutalimela Mulimu. Mwa bona? Mwa Mu bonisa. Batu baba fiwanga fela lika ka bunolo fela, bona mane habana. . . Hakuna—hakuna ze ba eza ka zona, mwa bona. Mu lukela ku. . . Mpo ki ya mahala, yeo ki niti, kono mulukela ku—ku mu lukela ku. . .

<sup>8</sup> Ku bonahala sina cwalo, mwa ziba, inge ba bulelanga kuli, “Haiba no si ka pepwa ni liswana lwa silivera,” mu utwile fateni zeo, “ha mu iumeli.” Kono cwale ha mu li belekela, mu lukela kuitumela butokwa bwa sona.

<sup>9</sup> Cwale mina sicaba kwa matepu kafoo, Ni bata kuli—kuli. . . Ni sepa kuli cwale Ni ka. . .

Kakusasana cwana, liñusa la kakusasana wo, ku na, litaba zene monyehela mwa Liñusa neli za bulumiwa kaufela; kakusasana wo, mwabona, kumonyehela fa Liñusa ka kutala kwa bulumiwa kaufela. Zazi leliñwi Ni ka mi bulelela mo li tahelanga. Mi Ni ziba kuli lika kaufela li belekile ka likweli ni likweli ni likweli, ku yo fita fa Liñusa lililiñwi lani, inze litaha

kufita fa sibaka sani. Sani neli kukwahela kwa lona, mwa bona. Mi ki sona . . .

<sup>10</sup> Cwale Na kolwa, kamba kusepa, kuli mu utwile seo Zibahazo neitalusa. Mwabona? Zibahazo kona sisupo kuli Mali a lambilwe. Kuli, teko ye tokwahala, ye batahala ki Mulimu, Jesu na lifile tifo yani ka kusulula kwa Mali a Hae Luli. Na ezize cwalo. Mi, kuzwa mwa bupilo bwa Hae kwa zwa Moya o Kenile. Mi cwale Mali ha lambilwe ku mina, Moya o Kenile u ba Zibahazo ya kuli tifo ya mina ilifilwe; Mulimu u mi amuhezi, mi yani kona Zibahazo. Muhupule, yani kona Zibahazo. Cwale, kuna ni batu babañata ba ba, ha—ha ba zibi kuli Zibahazo yani ki sikamañi, mwabona. Mi muna ni kueza inge kuli hakuna mutu ya li ziba, mwabona, ili kuli kaufela bona bakone ku li utwisisa.

<sup>11</sup> Kuswana inge kukutaza ka za puluso, lu lukela kukutaza puluso mwa nzila yakuli mañi ni mañi, ki ya mañi ni mañi, kanti, mane lu ziba kuli ha i cwalo. Lu lukela kukutaza foliso ya Bumulumu ku mañi ni mañi, kono inge lu ziba kuli ha ku cwalo. Mwabona? Jesu natezi ku to pilisa bene bali mwa Buka ya Kuliululwa mutomo wa lifasi usika ba teni kale. Natezi fela ki to pilisa ona bao kipeto. Bao ki bafi, Hani zibi. Mwabona? Kono mina . . . Hakuna mutu yakona kuba ni tumelo konji ha mubulela kuli ki ya mañi ni mañi; mi ku cwalo, hakuna mutu yakona kutaha konji haiba Mulimu a mubiza. Yeo ki niti. Konakuli kuna ni batu babañata babasike ba piliswa. Lwa ziba ka zeo. Bona, kihande, Mulimu na zibile zeo mane lifasi li si ka kalisa kale, kuli habana kupiliswa.

<sup>12</sup> Kuna ni babañata babasike ku foliswa, mwabona, babañata habana kufoliswa. Habakoni fela, habakoni fela ku li lemuha. Ha ba zibi kuli ki sikamañi. Babañata ba ka foliswa. Kono lu kutazanga inge kuli ki za mañi ni mañi, kakuli ha lu zibi kuli mutu yani ki ufi; fela haluzibi. Kono yani ki ya kata kaufela, kono batu babañwi fela habakoni kuswala seo ka tumelo.

<sup>13</sup> Cwale, mi kinto yeswana ni Zibahazo. Zibahazo, lu bulezi kwa Zibahazo ka mikwa ye kaufela, kono cwale seli nako ya Zibahazo. Mwabona?

<sup>14</sup> Cwale, linako zeñwi lu li lumelelize. Ba Lutheran ba li lumelelize, “Kuamuhela Linzwi; kwamuhela Krete kakuba Mupulusi wa hao.” Ba Methodist baize, “Ha mukona kutabela hahulu ni kuhuwa, kipeto ki Sona.” Ba Pentekota, “Kubulela ka malimi, konakuli muna ni Sona.” Mi lufumana kuli zeo kaufela li fosahalile. Mwabona?

Zibahazo kona Zibahazo. Ki wena ni Krete kakuba batu hamoho. Mwabona? Ki Moya o Kenile, Bupilo bwa Hae ku wena, inge bubeleka ka Yena—Yena Bupilo bwa Hae kasibili ku wena. Mi ki bwa bafumi, babotana, kamba yo kaufela ya ka Bu amuhela. Cwale muhupule, Zibahazo kona ze mu . . .

<sup>15</sup> Hamuya kwa kampani ya njanji mi mu leka tikiti yamina. Kuna ni teko fateni, mali. Lu bulele kuli ki mali akuma fa masenti a mashumi aketalizoho kuya—kuya ka mbasi ye, kamba ka njanji, kuzwa kwanu kuya kwa—kwa Charlestown, Indiana, ki masenti a mashumi a ketalizoho. Kihande, cwale, kampani yafanga lizibahazo ili kuli. . . Mwabona? Cwale, nto ye mueza, mwaya kwani mi yomuñwi wa mi lifela, masenti a mashumi a ketalizoho ao. Ba ka mifa zibahazo ya kapampili kaka mifa tukelo ya ku kwela sitima sani kuyofita ko muya, ko kuya sitima sani kaufela. Mwabona? I mifa . . . Yani kona zibahazo.

<sup>16</sup> Cwale, taba ye, mali neli yona zibahazo. Ka mo kuinezi, nana ni kulambiwa, kakuli neli fela mali a zibahala, kakuli neli mali a ngunyana, ili folofolo, mali a ngunyana. Kacwalo bupilo bone buli mwa mali, bupilo bone buzwile, neli kuli mali na suluzwi. Mwabona? Bupilo ne bu zwile, kono ne bu sa koni kutaha ku mulumeli, kakuli ki folofolo. Kono na ambola fela ka lizwalo lelinde, kuli ne kutaha Alimuñwi, yali Sitabelo se si petehile.

Mi, kuli abe Ya petehile, Muatuli kaufela, yena Mulimu wa Lihalimu, atoba Sitabelo; Muatuli, Muzekisi, ni Muyemeli. Mwabona? Natiloba Sitabelo. Mi cwale Bupilo bwa Hae ha bu to zwa, ili yena Mulimu. . . Mi linzwi fo, ko lizwelela, “Mi Ni kafa ku bona Bupilo Bobusafeli.” Cwale, mwa Sigerike. . . Ni ziba kuli Ni ambola kwa baituti. Ni bona bababeli kamba babalalu. Mwabona? Mi Na. . . Mi linzwi la Sigerike leo, ki Zoe. Z-o-e, mwa Sigerike, ili kotalusa kuli, “Bupilo bwa Mulimu Kasibili.” “Mi Ni kafa ku yena Zoe, Bupilo Bwaka Kasibili.” Kreste ni Mulimu neli Alimuñwi.

<sup>17</sup> Kona kuli, Bupilo bone buli ku Kreste kona Moya o Kenile, ha ki Mutu wa bulalu; kono ki yena Mutu yaswana, mwa mufuta wa Moya o Kenile, kutaha fa halimwa mina, kakuba Zibahazo kuli bupilo bwa hao ni tifo ya hao li lifilwe, muna ni ku amuhelwa. Kufitela zibahazo yani itaha, hamu lumelezwi kuba mwa musipili, ha mu lumelezwi fa. . . kuba mwa—mwa musipili wa mbasi; ha mu lumelezwi kukena konji ha se mu bonisize zibahazo ye, mi zibahazo yani kona tifo ya mina. Mi cwale I bonisa kuli Mali a suluhile mi a lambilwe ku wena, tifo se i belwe ku wena, mi muna ni Zibahazo yakuli Mali a lambilwe ku mina mane mu amuhezwi. Mwa utwa cwale? [Kopano ili, “Amen.”—Mu.] Oh, mawi! Oh!

<sup>18</sup> Cwale—cwale, ha ki ka bupaki bobuñwi fela. Mwabona? Mu li, “Muzwale Branham,” Na utwa cwalo mwa minahano ya mina, mwa bona, “kiñi ha Ni lukela li ziba?”

Mutalime, nemuli sikamañi, mi ki sikamañi semuli sona? Cwalo kona mo mu zibela. Mwabona? Nemuli sikamañi Zibahazo ye isika beiwa kale? Mu sikamañi sakamulaho Imano beiwa? Litakazo za mina sapili neli zecwani, mi litakazo za mina cwale li cwani kasamulaho? Kona kuli mu ka ziba haiba

Zibahazo ibeilwe kamba kutokwa. Ni lika zeñwi za ihulela fela ona cwalo ni Sona. Mwabona?

<sup>19</sup> Haki—haki ki kubulela ka zona, mi muli, “Malimi kona bupaki.” Cwale, Ni ka ba, nileke makatulo, lulimi ha ki likatulo. Li tahanga fela ni likatulo, mwa bona. Li tahanga fela ni likatulo. Mwabona? Cwale, nto yeswana kona Zibahazo. Zibahazo ki Kreste. Kono kubulela ka malimi, ni kulelela mioya yemaswe, ni kueza lika ze, ni kukutaza, ni sika kaufela, kona bupaki bwa kuli I teni, kaniti, kono haki—haki Sona. Mwabona, ki mpo ya Teñi. Haiba Ni mi bulelezi kuli . . .

<sup>20</sup> Mu li, “Ni—Ni bata wena, Muzwale Branham,” mi Na mifa mpo, mwabona. Kihande, yani ha ki na, yeo ki mpo yaka.

Malimi ki mpo ya Moya o Kenile, ha ki Moya o Kenile; ki mpo ya Moya o Kenile.

<sup>21</sup> Mi diabulosi wakona kulikanyisa yeñwi ya lika zani kaufela, kono hakoni kuba Moya o Kenile. Mwabona? Wakona kulikanyisa limpo ze, kono hakoni kuba Moya o Kenile.

Mi Moya o Kenile kona Zibahazo yakuli Mali a lambilwe, kakuli I latelela Mali musipili kaufela kuzwa Buka ya Kuliululwa. Mwabona nji? Wani neli ona mulelo wa kutaha kwa Hae. Sani kona sa Na latelezi mwa lusika kaufela. Lusika kaufela U latelezi ona sani, ka kubona kuli Sa tiswa kwapili, mi ne ba si ka petahaliswa kusina luna. MI cwale Moya o Kenile ka kutala upotela Keleke, unzo panga Mulimu mwa nama ya butu; sina mwa Na ezelize fapila Sodoma, ona kutuka mulilo kwani, yeneli mufuta. Mi, Abrahamama, A bonahala ku yena.

<sup>22</sup> Mi ni lika kaufela Za si ka eza mwahala masika, mwa masika a likeleke, Usweli kuli eza cwale. Kukutela kwa Linzwi, kakuli mañusa ni mañusa ni mañusa ana ni kufelela mwa Linzwi lelitezi. Mi mwa mazazi a mafelelezo, Maswayo Asupa amano kwaluha, ato nopa buungululwa kaufela bone bu siilwe mwateni, ni ku to bupa nto iliñwi yekwanile mwa mubili omutuna wa Munyaliwa, kuli bona bene bapila kwa mulaho kwani ne ba si ka petahala kufitela Keleke ye ha ita petahala, ona sikwata sa Munyaliwa se mwa mazazi a maungulo a, ili kuba kenya mwateni, mi kaufela lukone ku ngelwa hamoho. Mwabona?

<sup>23</sup> Zibahazo, Jesu Kreste, yena Moya o Kenile, uteni mwahala luna. Lu lukela kukuteka seo. Ha—ha—ha—ha lukoni kuikokobeza kufita fateni. Kutubula likatulo za hao, kamba kukubama ka mañwele, halikoni ku li kasha; halikoni—halikoni ku katelisa, halikoni ku lu likana; kono konji bupilo bobutisa muselo wa Moya!

<sup>24</sup> Cwale muselo wa Moya ki nto mañi? Mwabona? Lilato, tabo, kozo.

<sup>25</sup> Mwa hupula kakusasana kacenu? Buitukiso, ne bu lumile mulumiwa ni Liñusa. Se sitatama sa Na ezize, kasumulaho

Amano luma mulumiwa ni Liñusa, Aluma Siita sa Mulilo kuba bupaki. Nto yene tatami, kasumulaho wa fani, neli mundandw- . . . kamba kuombaomba. Mwabona? Mu ziba kuli neli nto yelukile, nemuna ni kozo. Luna ni kozo ni Mulimu, ka Mulena Jesu Kreste. Mwabona?

<sup>26</sup> Cwale busihu bo luka lapelela bakuli, mi Ni sepa kuli bana ni mulalelo. Muka—muka ba ni kolobezo, sebeleza ya kolobezo? [Muzwale Neville uli, “Batili.”—Mu.] Ki mulalelo fela, mulalelo. Mi lubata kuli mulibelele mulalelo.

<sup>27</sup> Mi mwahala—mwahala mizuzu ye mashumi a malalu ka ye ketalizoho kamba mashumi amane lulela kufeza mi lube baba itukiselize mulalelo. Mi cwale, kamuso ki nako ya Lizazi la Babeleki, konakuli mwakona ku yo pumula. Cwale, Ni bulezi kuli yeo kona milelo yaluna, mwa bona. Ha lu zibi kuli ki nako mañi. Ni bata kuba ya sephala kuli ni eze taba yeo ka swanelo.

<sup>28</sup> Cwale, kakusasana wo Ni mi bulelezi, bakeñisa ku sa ba nga ni mina, Ni—Ni sepa lubile ni Liñusa leliñwi la liholo zepeli kamba zetalu kakusasana kacenu. Kono—kono kona Ni—Ni sa zo kalisa fela, mi Ni hupuzi kuli Ni zwelepili ni sani mwa busihu bo, kono neli fela nto yende hakalo. Ha ni zibi kamba sicaba ne ba utwile kamba nee. Ni sepa kuli ba utwile, kai ni kai. Mi Ni sepa kuli nekuna ni tepu yende ku yona, kuli ikone ku isiya kwande, kuli izibahale, kuli Na lumela, ni Liñusa kaufela le Ni kile na tisa, kuli lani kwateni neli lukisizwe ki Mulimu, kwanda li . . . Kakuli, tumo ya kamita, sina Maswayo Asupa ni lika zeñwi, lani neli Linzwi la Mulimu handende ka swanelo. Ni bulela ka Liñusa la kukutaza; Ni lumela kuli lani neli lona, mwabona, kuli—kuli, kona le li lukela kulatelela Maswayo Asupa ani.

<sup>29</sup> Cwale mutalime ze ne tile mwa mulaho wa Maswayo Asupa: ki kukopana kwa sicaba, lisupo za kukopana, liseli lelifubelu le li monyeha mwa mazazi a maungulo, sisupo sa basali habanze baba babande hahulu, ni baana, se ba kaeza. Ona lisupo ze kaufela za Moya o Kenile zesweli kutaha lipahama, mi kipeto litaha hape ka kukutela mwa kukwahela kwa Mañusa ani kaufela kuzwa kwa Maswayo Asupa. Atamahani kaufela ona mwa nto iliñwi ye, yona Zibahazo, kuli lu iketile, mwabona, lu iceke fela mi lubone haiba lu mwa Tumelo.

<sup>30</sup> Cwale, Mulena ami fuyole. Mi cwale lu si ka—lu si ka apula kale mwa Bibele, kulapelela bakuli. . . Lu buzize kakusasana cwana, kuli ki babakai bene lapelezi busihu bwa la Sunda yefelile, bene—bene—bene ba folisizwe, bene ba folisizwe kale biki ye, mi buñata kamba mañi ni mañi mo na nanuzi lizoho la hae, bene baliteni mwa mukopano wa la Sunda maabani busihu. Cwale, kinto yeñwi, mwa utwisisa. Ki nto yeñwi yakuli . . . Ki, Ni sweli kulemuha taba yeo na kasibili.

<sup>31</sup> Nekuna ni mushimani yomunyinyani, yana bulelezi fela, yana zwa kwa Chicago, neli musala Bo . . . Ki musali

yani, Peckinpaugh, Peck-. . . Musala bo Peckinpaugh yazwa—yazwa. . . Ki kezeli yomunde hahulu wa Mukreste. Mi na tizize mutu, neli—neli mwanana, ka mo Ni li utwisiseza, neli mushimani yomunyinyani kamba yomuñwi cwalo, yana—yana li. . . madokota ne ba sa zibi mane kuli nana ni butata mañi. Maswafu a hae na sinyehile hahulu, kamba nto yeñwi, kuli—kuli neba palezwi kueza. . . neba palezwi ku mubeya mwa sikolo kamba nto yeñwi. Na li maswe, maswe luli. Mi ali, Moya o Kenile kasamulaho wa Liñusa, wa bulela ku mushimani yomunyinyani yani, ni ku mubiza, wa mu bulelela buino bwa hae ni zeñwi cwalo, ni kutoloka foliso ya hae.

Mi sunda ye aya, mahe kamba bashemi, kamba neli mañi kaufela yani, ba mu kutisa ku dokota, mi dokota a bulela kuli nana ni maswafu asili amanca, mwabona, maswafu asili amanca. Mi kuya ka mo Ni utwisiseza, kuti ba—kuti ba bashemi kamba mutu yomuñwi na lizize ni kuambola nako yetelele fa luwaile wa kusili, kamba neku leliñwi cwalo, kuli taba ye izibahale kwa kopano. Mwabona? Cwale, Mulimu, yena Mubupi, wakona kupanga maswafu asili.

<sup>32</sup> Na—Na lumela kaniti kuli lu fa—fa mafelelezo a lika zetuna hahulu zekile za tela lifasi kuzwa mwa mazazi a Mulena Jesu. Mwabona? Mwabona? Kono cwale lukona ku zibiwa fela sina. . . Ikaba ka kuikokobeza maswe. Mwabona? Mwabona, seo mutu a biza *butuna*, Mulimu usi biza “masila.” Kono sa biza mutu kuli ki *bukuba*, Mulimu usi biza kuli “butokwa.” Mwabona? Kacwalo he mu si tokomele, mwabona, sikaba ka kuikokobeza hahulu kuli mane mu ka si mbwinja. . . kuli mane mu ka si mbwinja haiba hamuna Zibahazo ya ku si lemuhisa, mwa bona. Mwabona?

<sup>33</sup> Ki mañi yana ka nahana kuli malundu na takisa inge lingunyana, ni matali na kambela mazoho a ona, fani mupolofita ha zwa mwa lihalaupa; yana bulezwi ka Isaya, mianda ye twelufu. . . kamba mianda ye sebene ni liimo ze twelufu kwa mulaho. Ana ni mahaha kwa sifateho sa hae kaufela, ni kaemba ka litalo la ngu, asina mane nihaiba katala fa kukutaleza, yana lelekilwe mwa likeleke kaufela, mi ayema fa likamba la nuka ya Jordani, inza huweleza kuli, “Mubake!” Mi abiza batu kuli neli bana ba “libili,” linoha. Kono sani ki sona sa na bulezi Mulimu, kuli Yena ha sa tile, “malundu aka takisa sina lingunyana.” Mwabona? Baba ishuwile ne ba li boni mi ba nyakalala.

<sup>34</sup> Ne bqa ka utwisisa cwani kuli. . . kuli Mesia yomutuna yani, yana polofitilwe kuzwa kwa makalelo luli a Buka, mwa Genese, kuli Na ka taha, neli Mupulusi? Litabelo kaufela, ni bapolofita kaufela, ni lika kaufela ne li supelize ku Yena. Mi cwale A sa tile, kuya ka mo ne ku bonahahela neli mwana wa mwa bucwani; ndate ya na si ka nyalana kale mane bo ma He, mo ne ba bonela. Mwabona? Mi musali afumanwa abeilwe fa mezi amanca mane ana ni mbututu ba si ka nyalana kale. Mi Utahile mwahala lika zeo, mane u pepezwi mwa—mwa bunyinyani nyana. . . Kihande,

ibulelela kuli mwa sicelo, mwa Bibe. Kono sicelo mwa mazazi ani neli liñope nyana kwa mulaho wa—kwa mulaho wa limota. Ne ni katani sibaka se si cwalo kwani mwa Arizona nako yeñwi, hane ni zuma. Nekuna ni sicelo mwatasa lihaha mwa macwe. Mi yani kona nzila yana pepezi Jesu ka yona, ona mwa lihaha lelinyinyani le mwa sikungu sa kucela bucwani ni lico za likomu, mwa mulaka wa likomu, mwabona, mone kutezi siloko.

<sup>35</sup> Mi A hula sina Mutusi wa mubeti, mi yani ukona kuba cwani Yena Jehova yomutuna? Kono Neli ona cwalo, mwabona. Nekuli cwalo. Mwabona? Neli mufuta wa Mutu ya ipitezi luli. Kono, oh, ha Na li fela Mushimani, A komokisa baprisita ka kuziba Linzwi lani. Kakuli kiñi? Nali yena Linzwi. Mwabona? Nali yena Linzwi.

Na si ka ñola fateni buka. Na si ka ñola nihaiba—Na si ka ñola nihaiba linzwi. Linzwi fela linosi lakile Añola, Na sepa, Na li takuzi hape, mwa—mwa mushabati, fani musali ha swalwa mwa bubuki. Na si ka ñola linzwi. Kiñi? Nali yena Linzwi. Mwabona? Nali yena Linzwi. Na sa lukeli ku Li ñola; bupilo bwa Hae nebupila fela Lona. Nali yena Linzwi. Ha Na ka . . . “Ha Ni sa ezi misebezi Ya Ndate, konakuli musike mwa Ni lumela.” Mwabona? “Haiba Ni sa ezi ka swaelo luli seo Linzwi libelezi kuli Ni ka eza, fohe kipeto ha Ni Linzwi. Kono haiba . . .” Ona sani kona sa Na talusa. Ki yena Linzwi.

<sup>36</sup> Cwale he ha muitukise cwale ka za—za kutaha kwa sebeleza ya foliso ni mulalelo. Lu kaba baba tabile kulil muine ni luna haiba mukona. Haiba mu sa koni, lukaba ni kulukuluha ona fa kapili.

<sup>37</sup> Mi musike mwa libala, muni lapelele na ni musala ka, musali ya munati hahulu mwa lifasi kaufela, ni—ni banake. Mi cwale Ni bangile, mañi ni mañi wa bona, kubaisa ku Mulena Jesu.

<sup>38</sup> Cwale, Becky usali fela siyemo sa “muricketta,” yomunyinyani mwa ziba, mi fela ki—ki yomunyinyani “kambwita-mamina,” sina mone lu li bizezanga. Mi kipeto ufa siyemo sona seo. Kono, cwale, ki musizana yomunde ya munati luli, mi Ni—Ni itumela ku Mulena ka seo; ha zubi, ha nwi, ha mata mati kwa ni kwa, hakuna. Kono ibo umwa lilimo zateni, ki—ki yasina pilaelo. Ha lati kuya kwa keleke, mi, haiba wa ya, uikinela kwa mulaho kwani ni kutafuna cwingamu, wa nanuha mi uzela fande. Kuli, mwabona. Ni bata ku mubona hatazwa ka Moya o Kenile.

<sup>39</sup> Ni bata kubona Joseph, Ni bata mushimani yani kuli . . . Ni lumela kuli zazi leliñwi ha Ni ka palelwa kuya kwa katala, Ni bata kunga Bibe yaka ya kale ye katezi ye ni yo mu tambeka yona, nibulele kuli, “Joseph, pila ni Yona, mwanake.” Mi Ni kabe ni itukisize ku kambama lihalimu. Ni bata ku yo utwa moya ofuka kwa sibaka kokuñwi, ni talime mwa halimu, ni yo nyanganyisa lizoho la ka, ni ku fufa.



Halu lapeleñi.

40 Mulimu Ndate, bupilo bwa luka kaufela butatelizwe ku sona Sani, kakuli Ki Wena, mi Wena ki wena Bupilo bwa luna. Cwale kuna ni babañwi mo, Mulena, bao—bao mane babana ni Zibahazo ye Ni si ka bulela kale ka yona. Ba ipulukezi Zibahazo yani, mi ibo bakula. Mi Ni bata kubulela busihu bo ka za kubafa kutiya pilu, ili kuba—kuba susueza kuli baikungele liswanelo ze ba filwe ki Mulimu zani. Bana ni swanelo ya kukoma diabulosi yani. Yena mane u komilwe kale, mane usweli fela ku ba bamba. Na bainga, Ndate.

41 Cwale ni tuse kuli ni bulele Linzwi. Ubulele ka na, Mulena, ka litaba nyana ze Ni ñozi fa ze, hamoho cwalo ni Mañolo nyana aňozwi fateni. Ni lapela kuli U ni tuse, Mulena, mi ukene mwa Linzwi mane u bafe tumelo kwa kanya ya Mulimu. Ka Libizi la Jesu Na lapela. Amen.

42 Cwale kapili, Ni bata kuapula mwa Bibebe mwa Buka ya Jeremia ni kauhanyo ya 29, haiba mutabela kubala. Kamba, haiba mu sa tabela cwalo, mu iñole fela. Jeremia, kauhanyo ya 29. Mi luka kalela fa timana ya 10 ya Jeremia, timana ya 10 mwa kauhanyo ya 29. Hape, luka bala kuzwa Luka, kauhanyo ya 16, kukalela fa timana ya 14.

43 Cwale Ni ka mifa tuto yaka, hamusweli ku—ku—ku apula cwalo. Toho ya taba yaka busihu bo ki *Nalelwa*. Mi Na . . . Ñalelwa, mi, cwale, mwa ziba seo ñalelwa ili sona.

Mi cwale luka bala kuzwa mwa Jeremia kauhanyo ya 29, ni timana ya 10.

*Kakuli MULENA sa bulela ki se, Uli myaha ye sebente haise ifelile bakeñisa Babilona Ni ka mi hupula, ni mi eze ka manzwi aka amande, ni mi kutiseze mwa sibakamo.*

*Kakuli Na ni ziba se Ni mi lelezi. . . (Kana haki nto ye munati yeo?) . . . kubulela MULENA, kakuli ki milelo ya kozo, isi ya bumaswe, kuli kwapili ni mife ze sepisa.*

*Mi mu ka ni biza, mutahe muitapelele kuna, mi Na ni ka mi utwa.*

*Mu ka ni bata, mi mu ka ni fumana, ha mu ni bata ka lipilu za mina kaufela.*

*Mi Ni ka fumanwa ki mina, kubulela MULENA: mi Ni ka kutisa ba mina baba inzi mwa buzike, ni mi kubukanye mwa . . . macaba kaufela, ni mwa mabaka kaufela mo Ni mi hasanyelize, kubulela MULENA; ni . . . ka mi kutiseza hape mwa—mwa sibakamo mo Ni mi hapisize. Kukutela kwa pentekota!*

Ni beile fela seo fateni, na. Ha ibuleli cwalo. Ni talusa seo kwa Keleke.

Luka 16, kukalela fa timana ya 15, kamba timana ya 16.

*Mulao no nzo li teñi ni baplofita ku to fita ku Joani: kukala ka nako yeo mubuso wa Mulimu wa bulelwa, mi ya lata kaufela u eza katata ku ukena.*

“Mutu kaufela ueza katata ku Ukena.” Ha ki kuzamaya fela kukena ku Ona, ka bunolo, kono U lukela ku ikataza kukena mwateni. Mwabona? Cwale, “Ha mu ka Ni bata ka lipilu za mina kaufela, Ni ka fumanwa.”

<sup>44</sup> Mi Na sepisize kuli U ka kuta ni mane akutise sicaba, kuzwa kwa kuyambaela mwahala lifasi kaufela, kasumulaho wa lilimo ze sebente zani, kuba kutiseza mwa Jerusalema ko ne ba zwile; mi U ezize ona cwalo fela. Yeo ki niti.

<sup>45</sup> Cwale lu ka ambola ka za—za *Ñalelwa* ka mizuzu yelikani fela cwale. Hañata, si lwala mukwa wa putako sipundumukela, kuli lukene mwa ñalelwa. Mwabona? Ki nto yemaswe kuli sina ni kuba cwalo, kono batu ba londotoka hahulu mwa minahano ya bona, kuli konji silwale sipundumukela. Ku ezahale nto yeñwi, mi ha ba eza cwalo, konakuili si—si ba kenya mwa ñalelwa. Mi luli, ka kueza cwalo mwa ñalelwa, si tisa buino bwa mina bwa luli. Si bonisa seo muli sona, mwa nako ya ñalelwa. Si ka hoha bunde bobuli ku mina kaufela.

<sup>46</sup> Mwa nako ya lifu, Ni utwile batu haiba ba ziba kuli se baya kwa kushwa, litaba ze ne ba bulukile mwa mukunda ka likunutu za bupilo bwa bona kaufela, kipeto, mwa ñalelwa, balika ku libulela. Mwabona? Mi ba lika, “Munge sa *kuli* musieze hande; amuye, shangwe; amuye, mueze,” mwabona, mwa ñalelwa. Neba lukela kueza zani ka kuitahanela, mwabona, isiñi kulibeleda kufitela nako ya ñalelwa. “Kikuli muka ni ezeza *se-ni-sani* shangwe?” Sipundumukela sitisanga ñalelwa. Mi, lu lukela kuezanga lika hakisina ñalelwa.

<sup>47</sup> Cwale lwa lemuha, busihu bo, kuli lunga lisupo za Paseka. Mi Paseka neiezahalanga mwa ñalelwa, mwa linako za ñalelwa. Mwa lemuha cwalo mwa—mwa Exoda kauhanyo ya 12, ni timana ya 11 ya kauhanyo ya 12, Ni lumela kuli ki yona, ibulela kuli, “Muce Paseka ye mutinile likatulo kwa mahutu a mina, munze muitamile mwa liteka, ni mulamu mwa lizoho la mina,” mwabona, musweli kuica mwa ñalelwa.

<sup>48</sup> Neba boni lizoho lelituna la Mulimu. Neba boni limakazo za Hae kaufela, mi kipeto ba taha mwatasa sisupo sa Zibahazo sani. Mi hane bali mwatasa sisupo sa Zibahazo yani, ba ca mulalelo mwa—mwa ñalelwa, kakuli ne ba ziba ka nako yani kuli Mulimu na li bukaufi kunata ka katulo.

<sup>49</sup> Mi neli nako ye sabisa. Neli nako yeo mutu ni mutu nana ni kuitekula ili yena, kakuli Linzwi la mupolofita ha li si ka palelwa fateni nihaiba nako iliñwi. Ne li pakilwe kuba la niti. Kaufela sa na bulela, sa ezahala kuya ka mwa na sibulelezi. Siita sa Mulilo ne si saliteni fani. Mi, mi, mupolofita na zibahalize kuli Mulimu

na ka fitelela fela ha Na ka bona zibahazo ya mali fa sikwalo. Mi neli ñalelwa.

<sup>50</sup> Nakona ku akaleza bana mone bainezi. . . hane ba bona mafufa amatuna ani, amansu atuluka kuzwa kwa lihalimu inge musi otulukela mwa munzi, mihuwo ne izwelela mwa ndu ni ndu, banana hakulata nebali ni bondata bona mi ali, “Tate, kana mukolwa handende kuli lumwa tasa zibahazo yani?”

Mi kipeto baya fa sikwalo, talima fa musumo, fa libala, bali, “Mwanake, sani ki kuya ka Linzwi la Hae.”

“Muhupule, Na ni mweli wa mina. Tate, luli mubulela niti?”

<sup>51</sup> “Ni bulelela niti! Sani ki kuya ka sa lubulelezi mupolofita, mi una ni Linzwi la Mulena. Naize, ‘Ha Ni bona mali, Ni ka mi fitelela. Munge ngu mwa lapa.’ Ni mi tisize mina bana kaufela mwahali mo. Ki wapili waka, mwanake wa mweli. Yani ki yena ya sweli kushwa kaufela kona kwani; kono mali ki *ani* a teni fateni. Sani KISONA SA BULELELA MULENA. Kacwalo pumula, mwana ke, ipumulele ka kuiketa, kakuli Mulimu ki yena yafile sepiso. Mwabona?”

“Kihande, Tate, mutinezi ñi makatulo cwale? Kiñi ha mu sweli mulamu mwa lizoho? Kiñi ha mu sweli sinkwa mwa lizoho lililiñwi ni situnula sa nama ya ngu ku leliliñwi? Ki kabakalañi hakuna ni miloho yebaba ye ni lika zeñwi? Kiñi ze mu cela lika ze? Kiñi ha musweli kufufulelwa cwalofa sifateho?”

“Mwana ka, lifu li libelezi ku wa.” Mwabona, neli mwa nako ya ñalelwa.

<sup>52</sup> Cwale, Ni lumela kuli lupila mwa mazazi a kuli. . . Kamba, ka manzwi amañwi, mazazi e lupila ku ona alukela kutiseza Keleke kuba mwa ñalelwa ka kufelelela. Na lumela, kuzwa mwa liñusa la kakusasana kacenu kuzwa ku Mulimu, ha ki kuna, Ni lumela kuli sina ni kunepela kopano kaufela mwa ñalelwa, kuli se lu bapalile nako yetelele kulikani. Luile kwa keleke nako yetelele kulikani. Lu lukela kueza nto yeñwi cwale.

<sup>53</sup> Kutaha cwani kuli lubona lisupo zetuna ni ze komokisa halieza ku babañwi, mi luna kupalañi kanti? Si lukela ku lutiza mwa buino bwa ñalelwa, kuli lwa ikataza, fapila Mulimu. Lisupo za Kutaha kwa Hae li lukela kutisa kopano ye kaufela, halu balile ka zona mwa Linzwi. . . Moya o Kenile ulu bulelezi kuli, “Muye kwa sibaka, sa *kuli-ni-kuli* si ka ezahala,” kusina ku lu bulelela seo nesili sona, kono ne si ka ezahala. Lwa ya teni, ku ezahala ona cwalo. Litaba za mitende ya li kubukanya, mitende ya lipiho ya litoloka, kubonisa maswaniso a zona. Kukuta kwanu ni kubona likunutu zetuna zani, ze patilwe mwa Bible, li kwaluhezi ku luna, mwa sibaka sesinca se lu si ka ziba kale fateni, ni kutamahana hamoho mwa Kutaha kwa Mulena Jesu.

<sup>54</sup> Mi, kwa mafelelezo a Mañusa, lubona kezo yetuna ya Moya o Kenile, ku Mubona ha tuluka ka kuiponahaza mwa sicaba, mane

nihaiba kupikica maswaniso a Ona. Ku U bona ha ubeleka ni kubonisa kuli ha ki mutu, ha ki mukutazi fela, ha ki kopano yeñwi fela. Ki Moya o Kenile onzo bonisa nto yeswana yene U ezize hane Utahile mwa mubili wa Jesu Kreste. Cwale U ikenyize mwa Mubili wa Munyaliwa wa Hae. U lukela ku lubeya mwa ñalelwa.

<sup>55</sup> Sicaba sani ne si boni lizoho la Mulimu. Mi busihu bwani bwa mulalelo, ba ica ni. . . mwa ñalelwa, kakuli ne ba ziba kuli sesiñwi ne si na ni kuezahala. Mi ni luna luziba kuli sesiñwi sina ni kuezahala. Mi Muhupule, Kutaha kwa Mulena kukaba kwa sipundumukela, kungelwa kwa kunutu. Uka taha ato Munga inge lisholi mwa busihu. Mi kunahana kuli haiba mutu yomuñwi, hañi hañi fela, kuba bahesu ba lubasi lwa luna babaile, mi mina musiyenzi! Si lukela ku lu nepela mwa ñalelwa, kuli, ka sishemo sa Mulimu, lusike lwa yo siyala. “Haiba kuna ni se Ni sa lati. . . Usike, usike wa ni siya, Mulena.”

<sup>56</sup> Mazazi nyana kwa mulaho Ne ni sweli kuteeleza MelJohnson inge a opela pina kuli:

Uni hupule mioko haishuluka, eehe,  
 Uni hupule fo balikani habasiyo nina;  
 Mi cwale ha Ni ka sila nuka ya Jordani ye,  
 Ha Uka biza mukoloko wa mabizo, uni hupule.

<sup>57</sup> Mi mwa Buka ya Ngunyana ya Bupilo, Ni bata libizo laka liñolwe. Ni bata kuli Ayo ni hupula kwa pizo ya mabizo. Mi si ni nepela mwa ñalelwa, seo siswana, ni Paulusi yana bulezi kuli, “Kasamulaho Ni mano kutaza Evangeli kikuli Ni niyo—niyo lelekelwa kwande, niyo ba—ya lelekezwi kwande?” Halikoni ku ezahala. Kacwalo si ni beya mwa kalulo ya ñalelwa, ñalelwa, ka kunahana kuli, kasamulaho wa lilimo za kukutaza ze kaufela, kikuli Ni—kikuli Ni. . . be mwa sibaka ko Ni ka Mu swabisa? Muhato otatama ki ufi? Ki sikamañi seni lukela kueza se sitatama? Mi kipeto si ni beya mwa buino bwa kuikalelwa. Mi ki sikamañi se Ni ka eza? Si ni nepela mwa malundu ni mwa misindi. Mi ku tata, kakuli, ha Ni li ni sicaba, Ni lukela kuba lika kaufela kwa batu kaufela, kuli Ni kone kutisa babañwi ba bona ku Kreste, ibo nina ni Zibahazo yani fapila ka. Mwabona?

<sup>58</sup> Mi Ni bona lika ze sweli kutaha, mi hamukoni kubulelela sicaba. Mubona lika zeshutana, mi mu hanisizwe. Lipono ze ba biza ku zona, mi fokuñwi bakona kuikutwa maswabi haiba mu ba bulelela, mi muziba hande mwa kuezeza lika zatani. Mi kipeto mukena hahulu mwa lipono kufitela lika kaufela liba fela pono, mi kipeto li mi kenya mwa buino bwa kuikalelwa. Mwa—mwa talima ni kubulelela kuli, “Cwale kana Ni inzi mwa pono nji?” Inge kuina fela fa, “Ye ki pono nji? Ki kai fo Ni yemi luli?” Mwabona, mwa—mwa ikatalisa luli, mwa kutwisa mabote mina bañi. Mi mu fumana lika mwa sicaba ze ne mu sa zibi. Batu baba lakaza lika ze, ka kuziba lika ze, ha ba lemuha kuli bulumiwa bwa mufuta

wani buna ni butata mañi. Ha muzibi ze zamaelela ni zona. Konakuili kipeto li mi beya mwa ñalelwa, “Mulena Mulimu, Ni ziba kuli Ni ka ba ni ku yo ikalabela.”

<sup>59</sup> Jack Moore naize kuna nako yeñwi, “Hani tabeli ku yo alaba inge mo ka yo ikalabelela wena, ka Lizazi la Katulo.” Ali, “Mulimu ubeile sicaba se mwa mazoho a hao, mi uka yo fa piho ya mañi ni mañi wa bona. U ka yo ikalabela ka bulumiwa bwa hao.” Sani seli myaha ye lishumi ni ye ketalizoho kwa mulaho, kamba mwendi seli eitini. Mi kuzwa nako yani, Ni bile mwa ñalelwa. Ki sikamañi se Ni ka eza?

“Halubone kuli ni bulele fela So bulela wena, Mulena. Halubone ni ba bulelele seo Niti ili sona, kusi cwalo ni si ke na bulela nihaiba sika.” Si ni kenya mwa ñalelwa.

<sup>60</sup> Mi ka kubona lisupo zesweli kutaha ze, kubona Moya o Kenile ha u luise kwande kwani, ni kutisa Liswayo ze, ni ku litomahanya hande sina cwalo. Kutisa Masika a Likeleke ni ku a toma hande mwateni, mi ni kutaha ka kushetumuka mwa Siita sa Mulilo sesituna kwa mulaho kwani, mi—mi ni kuipatulula ili Yena. Mi ni kutaha fa taba yetatama, fa Maswayo Asupa, ni ku a patulula. Mane nihaiba kulibeya mwa mapampili a litaba ni mwa mitende. Mi ni kutaha ku to nga mangeloi a Mulimu, ona mangeloi a supile ani ni Mañusa a supile, ni kupaka handende ka swanelo se ibulezi Bibe. Mi, ka nako yeo, akuta ni kutisa Maswayo asupa ani. . . lisupo zani, ze monyehela nako ya maungulo, ni ku li tisa kwa sicaba ni kuba bulelela kuli ki sikamañi, ni zona kaufela, mi Mulena inza beleka mwateni ka kuiponahaza ili Yena kubateni. Mi kipeto, kutaha hande sina kakusasana cwana, utaha ku to bata Zibahazo yani ku mutu ni mutu. Mi, mina mu sicaba sa ka. Ki mina bo Ni lata, ba hamoho ni bona baba teezeza kwa matepu, ni zeñwi cwalo. Konakuili muka bona ñalelwa yeo si ni beya ku sona.

<sup>61</sup> Ñalelwa. Lisupo za Kutaha kwa Hae li lukela ku nepela mutu wa siemba sa Krete kaufela mwa ñalelwa cwale, ka za mioya ya luna, ka za—za—za buino bwa luna kasamulaho wa bupilo bo. Kihande, ki sikamañi se lu kaba sona ni ha lu kaba ni lifasi kaufela? Lu sikamañi, ki sikamañi se lu pilela? Ki sikamañi se mu belekela? Ki sikamañi se mucela? Ki sikamañi se mu ikataleza? Mubata kupila. Ki sikamañi se mupilela? Kuli mushwe. Mi ha muswaneli kupila konji haiba mu swanela kushwa. Ki niti.

<sup>62</sup> Mi lu bona hahulu limakazo zeñata za kufolisa, si lukela ku lubeya mwa ñalelwa.

<sup>63</sup> Haiba nji mushimani yomunyinyani yani. . . Kana Ni talimela Musala bo Peckinpaugh cwale? Kana yo ki yena Musala bo Peckinpaugh kana? Kana ki wena yana nani mushimani kwanu, kamba nto yeñwi cwalo? Kiñi, kiyoy musali ya inzi fa

yene Ni bulela. Ne ni sweli fela kutalima fahule ni kuli ni mubone.

<sup>64</sup> Cwale haiba Mulimu wakona kuezeza mushimani yomunyinyani yani zeo, li lukela ku mi beya mwa ñalelwa.

<sup>65</sup> Muuna ya zwa kwa New Albany, hakulata wakona kuba mo busihu bo. Ki mulikana Muzwale waka Roberson. Nana ni mushimani yomunyinyani kwanu. Ni sepa kuli musala hae nana ni kansa nako yeñwi mi a foliswa. Mi—mi cwale, mushimani yomunyinyani yani una ni asima kufitela mane aba mwa buino bo bumaswe. Mucaha wa sanana, neli kansa yene bata kukwahela mumizo kaufela, wa hae. Mwabona? Mi ki ha tisa mushimani yomunyinyani yani, eehe, Na bona lizoho la hae mwahalimu kwa mulaho, kwa mulaho kwani, yana lapelezwu kakusasana wo, mwa bona.

<sup>66</sup> Nalelwa! Musala hae hana bata kubulaiwa ki kansa, na zibile kuli Mulimu na ka mufolisa. Mi haiba Mulimu na ka folisa musala hae, Mulimu yaswana wakona kufolisa mushimani. Mi kipeto li kena mwa ñalelwa. Mwabona? Mu lukela kutaha; mi ha mu se muli mwa ñalelwa, konakuli Mulimu uka mi utwa. Kono haiba mukaba fela ka bunya, hamuna taba kamba Wa alaba kamba nee, kihande, konakuli fo kwa shutana. Mu bulela kuli mwa tokomela, kono silwala ñalelwa fa kueza lika.

<sup>67</sup> Ni lumela kuli libaka le lu sa belongi ni ñalelwa ki bakeñisa kutokwa lilato, Mulimu, ona lilato la Mulimu. Ni sepa kuli lilato la Mulimu litisa ñalelwa. Haiba Mulimu uteni ku mina, Zibahazo yeli mwahali ku mina, mi mubona buino bwa nako, mane sicaba sinze si capwaela mwa sibi mo si ezeza cwalo, si ka mi kenya mwa ñalelwa. Na lumela sika eza cwalo.

<sup>68</sup> Cwale Linzwi la bulela hande patalaza, haiba mubata kuñola zeo, mwa Magalata 5:6, kuli, “Tumelo ibeleka ka lilato.” Mwabona? “Tumelo ibeleka ka lilato.” Mi nzila fela yemukona kuba ni tumelo ka yona, ki kuba ni lilato pili. Kakuli, kasamulaho wa zeo kaufela, tumelo ki muselo wa lilato. Muselo, seo ki sona luli—luli seo tumelo ili sona. Ki muselo wa lilato. Cwale, mina, haiba hamuna lilato, hamukoni kuba ni tumelo. Mwabona?

<sup>69</sup> Mukona cwani kuba ni tumelo ku bo musala mina haiba ha mu balati? Zani ki za mwa mubili ka *phileo*. Cwale kucwani he ka *agapao*, ku Mulimu? Kukona kuba cwani haiba ha mulati Mulimu?

Haiba u bulela kuli musala hao wa mulata, kono ha u mu buleleli fateni zeo, mane ha uini fafasi ni kukopana ni yena, ku libonisa ku yena, ku mutubeta, ku mu kumbatela, ni ku mu bulelela kuli ki yena ya ziba hahulu kutateha mwa naha kaufela, lika kaufela zo ziba, ni mwa bezi yomunde, mane ni mo u mulatela; haiba ha uezi cwalo, hana ku li ziba. Yeo kona nzila yateni. Haiba wa mu lata, u li bonise.

70 Kona mo lu ezeza ni ku Mulimu. Ha lu Mu lata, lwa Mu bulelela ka zona. Lu ina fafasi ni ku Mu cilanisa, ni ku Mu lapela. Mi, mwabona, lilato li lu zamaisa kufita ku sani.

71 Cwale kucwani haiba sesiñwi si ezahala ku musala mina? Kiñi, ne li ka mi kenya mwa ñalelwa kuli liezahale. Ku cwani haiba mutu ukona kubulela kuli musala mina una ni kansa? Kucwani haiba yomuñwi na kali mu—mu musala hao una ni TB, mi ulibezezi kushwa? Ibo, mina, muka—muka eza sika kaufela. Mwabona, li ka mi kenya mwa ñalelwa.

72 Mi cwalo kinto yeswana ni mo kuinezi. Lu swanela kuba ni lilato lu si ka ba kale ni tumelo. Mi tumelo. . . Ha lu na ni lilato la niti, li eza sikamañi? Si kasheza tumelo ya luna kuzwela kwa mafulo a ndwa ya Mulimu. Mwabona? Lilato la niti la Mulimu la kulata Linzwi la Hae ni sicaba sa Hae, li ka kasha tumelo kwande kwani. Lilato lona li ka swala fela tumelo, mi fela, “Ki fo, halu yeni!” Mi kipeto laya cwalo, kakuli cwalo kona mo li ezezanga lilato.

73 Joani 14:23, Jesu naize, “Haiba mutu ha Ni lata, uka buluka Manzwi a Ka.” Cwale hamukoni kubuluka Manzwi a Hae kusina kuba ni tumelo ku Sa bulezi. Kacwalo, mwa bona, haiba wa lata Mulimu, kipeto wa buluka Linzwi la Mulimu. Haiba U bulezi kuli, “Kina Mulena ya ku folisa,” wa lumela sapili. Lilato li muezza kuli alumele, kakuli lilato libusa linto kamukana. “Ni ha Ni ka bulela ka malimi a batu ni a Mangeloi, ha nisina lilato, ha kisesiñwi, mwabona. Ni ha Ni na ni tumelo ye shimbulula malundu, kono ha ni sina lilato, hakuna tuso.” Lilato li busa linto kamukana, kakuli Mulimu u lilato, ki Mulimu wa lilato. Cwale, eeni, sha! Haiba Jesu naize kuli, “Mutu ha Ni lata, amamele Manzwi a Ka.”

74 Lu ziba kuli ki niti kuli Mulimu uka kopana ni moyo oli mwa ñalelwa. Cwale, kaufela luna lwa ziba cwalo. Kono si lwala nto yeñwi ye lu kenya ku zani, kwa kuikalelwa kwani, kwa ñalelwa. Si lwala nto yeñwi fa kuezza cwalo.

75 Lu fumana cwana, mwa Jakobo 5:15, kuli Bibebe ibulela, ili, “Tukufalelo ye petehile,” yani ki ñalelwa, “tapelo ya tukufalelo ya mutu ya petehile ina ni mata amatuna. Cwale mutu ya petehile, mutu yomunde, ha kena mwa butata,” kamba moyo hauba mwa musipili, kamba mwa makateñi, iliñwi ya zeo. Ni—Ni sepa ki “musipili” kona linzwi leli lukile. Makateñi, kamba musipili, kamba mubata ku li biza cwani. Kono cwale mo—mo—mo moyo haukena mwa—mwa ñalelwa, mwa makateñi, tapelo ye tukufalezwi ya mutu yakona kubonisa Zibahazo, ikona kuezza zetuna. Mwabona?

76 Mulemuhe se ibulezi Bibebe fa hape, mwa Jakobo 16, 5:16, ili, haiba. . . “Luipulela bumaswe bwa luna,” kuba baba lukile, kuba baba itukisize ka zona, “kuipulela bumaswe bwa luna ku yomuñwi ni yomuñwi.” Kusina nihaiba—nihaiba bumaswe. . .

Mu kupa batu kuli ba mi lapelele kwateni, lunze luipulela bumaswe ku mañi ni mañi, ni kulapelelana mañi ni mañi. Ki fo he cwale. Ka lilato, lilato, haiba Ni na ni bundume kuli Nakona kuipulela bumaswe bwaka ku mina; mi ni mina mwakona kuipulela bumaswe bwa mina kuna. Mi mane Na mi lata luli kuli mane Ni ka mi lapelele, ni mina mu ni lapelele; mi muka pila ni zona, ka tapelo yena ni tukufalelo, kufitela ialabiwa. Yeo, yeo kona ñalelwa. Seo kona se lu lukela kuba ni sona ka nako kaufela.

<sup>77</sup> Halungeni mitala yemiñwi ya Mañolo ya zeo, sene si ezahalile, cwale, ku babañwi, mwendi ka mizuzu ye lishumi ni ye ketalizoho, haiba Mulena alata.

<sup>78</sup> Jakobo, nali mutu, nali pili yomunyinyani. . .mushimani yana bonahala ku sa tokomela lika. Na hupuzi mwa munahano wa hae kuli tukelo ya sipepo ne italusa lika kaufela ku yena, mi na si ka tokomelo mwa na lukela kuingela, neli fela mwa na ka ingela kaufela. Mi amano i amuhela, ahupula kuli lika kaufela nelili fela hande, kakuli kuti nana ni tukelo ya sipepo. Na hupuzi kuli taba ne ifelezi ona fani. Ataha ku muhulwana hae hana lapile, kakuli na zwa kwa masimu, na sweli kukekela ni kuzuma liputi. Mi munyana hae, na—na tokwa poto ya palica, manawa ni—ni lika zeñwi hamoho. Ikona kuba muliko omutuna luli mutu ha lapile, kasamulaho wa kuzamaya musihali kaufela. Mi muhulwana hae ali, “Ni utwa kuli nibata ku welela. Aku nife kwateni ku zo nani.”

Mi ki hali, “Kihande, Na. . .haiba uka konka ku na kuli Ni nge buhulu bwa hao.” Mwabona? Na sa tokomeli mone li ka ezahalela, neli fela mwa na ka bungela kaufela. Mi ki ha hupula ali, hana ti lo amuhela buhulu, ani neli mafelelezo.

<sup>79</sup> Pentekota, fani konafo mu palelezwi! Ne mu hupula kuli kakuli mupepilwe ka Moya, kupepwa ka Moya wa Mulimu, tukelo ya Sipepo, kipeto kuli ku likani. Kono ao kona makalelo a zona fela. Mwa hupula mwa liñusa la—la kuli *Mu Utwe Yena*, kuli mwana yani, amano pepwa mwa lubasi, aba mwana mushimani. Nana ni tukelo ya sipepo, kono neina ni ku likiwa, mwana a lutwe. Mi kipeto haiba na sa pakiwi kuba—mwaba yasina likuta kwa tato ya ndatahe, konakuli kul lukela kuba cwana, kihande, na sa amuheli ku—ku. . .nekusina si. . .sanda ku yena. Na sa fiwi sanda sifi kaufela, kono niteni nali mwana, kono nekusina sa na yola sanda ku zona hana sina takazo mwa musebezi wa ndatahe.

<sup>80</sup> Mi kacwalo Moya o Kenile hano wezi fa sicaba sa Mapentekota mi bakala kukutisa limpo ni lika zeñwi ze ne li mwa keleke; ba hupula kuli, bakeñisa fela kuli ba pepilwe ka Moya, ani neli mafelelezo. Kono, mwa bona, kuna ni swanelo ya kuhula kwa mwana. Mi kasamulaho mwana amano bonahalisa kuli ki mwana sakata, kona ha na isiwa fa patelo, mi kipeto wa tomiwa hande, ni ku cinca liapalo, mi ba mu inisa fani; mi kipeto



kuba kulaelela kwa mwana yani ona fani, kuli cwale sa filwe kuba ni sanda kwa lika kaufela za luwile ndatahe.

<sup>81</sup> Mulimu na ezize lika zeswana ka Mwana Hae fa Lilundu la Kufetuha. Na kwahezwi ka . . . kamba neli lilu, mi ki ha fetulwa, mane liapalo za Hae za benya sina lizazi, mane ni linzwi lali, “Yo ki Mwana Ka ya Latwa Ye Ni katelwa.” Mushe ni mulao ne li palezwi. Mi yo kwateni ki Yena, “Mu Mu utwe.” Na filwe sibaka sa. Mwabona?

<sup>82</sup> Cwale Jakobo na hupuzi kuli, bakeñisa fela kuli nana ni tukelo ya sipepo, kipeto kuti lika kaufela ne li ezahalile.

Ni bona batu ba Mapentekota ki mo ne ba ezelize, mi ba kala kuikonga konga, ba—ba oneness, threeness, ni ba tumelo ya balimu babalalu, mane ni likopano za mifuta yeñwi kaufela, ni kukanana ni kuhohana mwahala mañi ni mañi, kwa bonahalisa kuli Zibahazo ne i sa bonahali. Pilu seta, muna, lifapahano, mwabona, kono kwani kona ko luya.

<sup>83</sup> Cwale, mwabona, Jakobo na nahanile nto yeswana. Kono neli ka sabo, busihu bobuñwi, ka bupilo bwa hae, ñalelwa ya mu swala, ha na hupuzi kuli, “Mwabuse fela bwa nuka yani, muhulwana ka u libelela ku yo ni bulaya. U ka ba ni.” Mwabona, bakeñisa tukelo ya sipepo yana mu amuhile, neli yona taba yene ka mu tiseleza lifu la hae.

Mi fokuñwi ona lika ze mu amuhelanga, inge Moya o Kenile, Ki cona, mi mane mu pepilwe sinca ka Moya, ha mu sa tokomeli, ona nto yeswana yeo ika yo mi atula kwa mafelelezo. Yeo ki niti. Ona mezi aswana ana pilisize Nuwe, kona ana bulaile lifasi. Yona nto ye—ye mukona kubiza kuli tumelo yefitelezi ikona kuba nto yeswana ye ka mi atula kwa mafelelezo a musipili.

<sup>84</sup> Cwale Jakobo na zibile kuli bupilo bwa hae ne bu sutelezi maungulo. Nana ni mulumiwa yana ti lo mu bulelela kuli muhulwana hae, ni baana ba ndwa baba mianda yemine ni lilwaniso za bona, ka kuziba kuli nali—nali mwa musipili wa hae. Sabo ya mu kenela. Aluma muuna ni sikocikala sa likomu, ni likomu, ni lingu kuli ibe sitabelo sa kozo ni Esau. Mi, kasamulaho wa fani, akala sikwata sesiñwi ni mitiyo ya lika. Mi alukisa ni sesiñwi ni mitiyo ya lika zeñwi hape, kulika ku mu katanyeza pili, kulika ku kuyula buhali bwa hae. Mi akala kunahana kuli, “Ze halina ku mu tuhelisa, kakuli una ni bufumu ku Ni fita. Ha li tokwi.” Ki ha tangetisa bafumahali ba hae ni bana ba banyinyani, ni ku ba luma ku yena, kuli Esau abone bana ba hae ba banyinyani bani ni bafumahali ba hae. Mi kaniti mwa musipili wa hae bana ba likezeli ni mizwale ba habo, na si ka ba bulaya. Mi, he, niteni na si ka lisela. Mulimu wa ziba mwa kungela mutu. Jakobo ayo sila kasa. Fani awa ka mañwele a hae.

Mwa ziba, nabonahala kuba mutu ya talifile, kwa mulaho nyana. Muni swalele ka pulelo yeo, kono nali mufuta wa . . . Nali Jakobo yatezi. *Jakobo* italusa “mupumi,” mi ona seo kona sanali

sona. Kono nekuna ni sene si to ezahala ku yena. Ona fani mwa ñalelwa, fani lifu hane lili fapila hae. . .

<sup>85</sup> Kwakona kuba baana ni basali babaliteni mo busihu bo, bao, lifu liinzi fapila mina. Mi nzila inosi fela yemukona kuba ni ze mubata, ki kutaha ka ñalelwa. “Ni lukela kuba ni sona, busihu bo. Na si amuhela cwale, kusi cwalo Ni felile. Kamuso ki kwahule hahulu. Ni lukela kuba ni sona onafa cwale!”

Ha mu lapelela kolobezo ya Moya o Kenile, yona Zibahazo, musike mwali, “Kihande, cwale Na ya ni yo lika. Mulena, Na, Ni katezi nyana.” Oh, sishemo, mwali kuina mwa sipula sa mina! Mane musike—mane musike mwa lika. Haiba mutaha, muli, “Ni ka fita mwa mukoloko wa litapelo; ni beye oli fa toho ya ka, Ni ka bona haiba ika ni tusa,” hakulata mwakona kuitulela fo muinzi foo. Kufitela muba mwa sibaka seo, konji keleke kaufela haifita fa sibaka sani, kuli ki mwahala lifu ni bupilo, mu lukela kuba ni Ona cwale fa kamba mwa shwa, kipeto Mulimu uka tuluka mwa sibaka. Si lwala ñalelwa kuli Mulimu atahe mwa sibaka.

<sup>86</sup> Jakobo alila kufita sapili. Mwa ñalelwa abiza kufitela a to lambela Mulimu. Mi amano eza cwalo, a mangana; isiñi ka mizuzu ye lishumi ni ye ketalizoho. Na mangani ni yena kuli a Mu liyehisa, mwa moyo wa hae, busihu kaufela; kono niteni na ziba kuli nasina mbuyoti nihaisali, kono atundamena ku mu lambela konji mbuyoti itaha. Na manganic ka ñalelwa kufitela mbuyoti itaha. Mi, ha na boni kuli . . . kufitela Mulimu atuluka mwa sibaka. Mi he, mwa ñalelwa ali, “Hanina ku Ku tuhela,” ha na kalile kuutwa mbuyoti ha itaha ku yena.

Batu ba bañata bali, “Kanya ku Mulimu, Ni na ni sona cwale.” Fo kipeto mu pumilwe. Eehe! Yomuñwi naize, “Oh, Ni ikutwa fela hande, Muzwale Branham, Ni ile teni kwani mi ni lapezi. Oh, salami sa ni kenela.” Mi hakulata yani neli Mulimu. “Ni boni liseli lelituna fapila ka.” Ni zona zeo za kona kuba Mulimu, kono zeo ha ki zona ze Ni bulela fateni.

<sup>87</sup> Bibebe ibulezi kuli, mwa Maheberu kauhanyo ya 6, “Pula inelela ku baba lukile ni baba si ka luka, ka kuswana fela.” Cwale, munge buloto ni bucwani, ni kunga bucwani, mi mu libeye mwa simu. Mi kanti pula yona ilumezwi fela buloto, kono pula isuluhela hamoho fa bucwani ni buloto ka kuswana. Mi, pula, kipeto bucwani bub abo bu tabile sina buloto mo bu tabelela ni bona, mi ki pula yeswana. Moya o Kenile wakona kuwela ku ya sa lumeli ni ku mueza kuba ni likezo ze swana ni za mulumeli mwa ezezanga. Kono ka miselo ya bona ba zibahala; zeo kona ze Ni bulela ka zona, yeo kona Zibahazo. Mi Da- . . .

<sup>88</sup> Mi Jakobo, nitaluse, mwa ñalelwa, abulela kuli, “Ni ziba kuli Ni Ku utwile ka maikuto a kuswala, Uteni fa nina, kono Hanina ku Ku tuhela.”

Mutu yomuñwi ubona kuli ki hande, maikuto ama nyinyani apili, wa nanuha ni kutulaka mwahalimu ni fafasi, kumata mata

mwahala lipula, ali, “Ni na ni Sona, Ni na ni Sona, Ni na ni Sona.” Oh, batili. Huh-uh. Batili.

Jakobo na inzi ona fani kufitela sesiñwi si ezahala, sani ne si mu ezize kuzamaya ka kushutana, ne si mu ezize kuba mutu ya shutana, bakeñisa kuli na inzi kufitela sani si ezahala. Mi na kona ku. . . Bibeles ibulezi kuli, “Na kumalezi kufitela a koma.” Kana mutu ukona cwani kukoma Mulimu? Kono luli mwakona kueza cwalo. Mwakona kueza cwalo. Mutu wakona kukoma Mulimu.

<sup>89</sup> Nako yeñwi nekuna ni muuna ya bizwa Hezekia, yana bulezwi ki mupolofita kuli, “KISONA SA BULELA MULENA, u ka shwa.” Hezekia atalimisa sifateho sa hae kwa limota, mi mwa ñalelwa a lila ha butuku, “Mulena, uni talime. Ni zamaile fapila Hao ka pilu ye petehile, mi Ni tokwa lilimo zeñwi fahalimu ze lishumi ka ze ketalizoho,” kasumulaho Mulimu amano mu bulelwa nto yeñwi yene ka ezahala, kuli na ka shwa. Mi, mwa ñalelwa, a cinca tukiso ya Mulimu. Ñalelwa, niteñi, a lila ha butuku mwa ñalelwa.

<sup>90</sup> Jakobo aina ona fani kufitela mbuyoti itaha, mi a cincwa libizo la hae kuzwa ku “mupumi” kuba “nabi ni Mulimu.” Mane ni naha kaufela ya bizwa ka libizo la hae. Eeni, sha! Neli sikamañi sani? Linepo neli bakeñisa kuli na keni mwa ñalelwa ka lika za na bata. Mi habusa ha yo katanyeza Esau, na sa tokwi nihaiba mulibeleli kamba musilelezi. Na zwezi kwateni mi ayo mukatanyeza yena anosi. Mwabona? Kiñi? Na keni mwa ñalelwa kufitela a fiwa sepiso.

Mi muba mwa ñalelwa kufitela mu amuhela sepiso. Haiba ha mubi cwalo, musike mane mwataha ku to lapelwa. Mane musike mwataha ni kwa katala. Mu libelele kufitela liba mwahala bupilo ni lifu, ku mina, konakuli sesiñwi si ka ezahala. Luli, ñalelwa!

<sup>91</sup> Ruti na keni mwa ñalelwa, nako yeñwi, hana yemi ni Naomi. Kikuli na ka kutela kwa sicaba sa habo, ku bao kaufela bana lata, ni bao kaufela zana—zana lapela, milimu ya hae ni sicaba sa hae, kamba kana aka kumalela ku Naomi? Ki sikamañi sa na ka eza? Mi ki ha kena mwa ñalelwa, mi a huwa kuli, “Kaufela ko uya, Ni ka ya. Kaufela ko uka pila, Ni ka pila. Kaufela ko uka shwela, ni ka shwa. Kaufela ko uka yo pumbekelwa, Ni ka pumbeka. . . kamba Ni ka pumbekwa. Mi Mulimu wa hao ukaba Mulimu wa ka.” Ki fo he cwale, ñalelwa! Mulimu amu fuyola, amufa mwana mushimani, Obedi. Obedi apepa Jesse. Jesse apepa, ka Jesse, kwa taha Jesu. Bakeñisa, ñalelwa!

<sup>92</sup> Inge lihule lani, Rahaba, nali mwa ñalelwa. Na ziba kuli lifu lifu ne li muinzi kwa pili. Nali mwatasa katulo. Mi aba mwa ñalelwa, ali, “Ni ka mi pata mina litwela. Ni ka eza sika kaufela. Fela, mukonke ku Muliu, mi ndu yaka ika yema.” Ki fo he cwale.

Ki hali, “Nika . . . Haiba ukona fela kubeya zibahazo ye, ika yema.”

<sup>93</sup> Elieza nakeni mwa ñalelwa hana filwe musebezi wa kubatela Isaka musali. Elieza wa kwa Damaseka nali muuna yomutuna. Na fumani sishemo mwa meto a Abrahama, mi a sepiwa ki Abrahama ku zwela kwande ku yo bata munyaliwa, mufuta wa munyaliwa ya lukile, wa mwana hae, Isaka. Ka yena yani Kreste na ka taha.

<sup>94</sup> Cwale, Elieza, ka kuba muuna wa moya, na zibile taluso yateni. Mufuta wa musali yomunde yana lukela kuba—kuba mufumahali wa muuna yani. Mi kana na ka mu keta cwani? Mwa hola ya ñalelwa ya hae, ha na ilo punya mwa munzi, alapela ni kubulela kuli, “Mulena Mulimu!” Yeo kona taba. Ha mukena mwa ñalelwa, muka kala kulapela. “Mulena Mulimu, kalibe wa pili ya ka taha ku to fa mezi kwa kamele, ni kunifa mezi ni na ni nwe, ibe yena.” A lapela mwa hola ya ñalelwa ya hae.

<sup>95</sup> Rebeka, kalibe yomunde, ataha, afa mezi kamele. Mi cwale ki hali, “Usike wa ni liyehisa ka mukwa kaufela.” Nana ni kufita fa nako ya kuketa kuli azamaye kamba nee. Nali mufuta wa Munyaliwa. Kana naka—kana naka ya ayo nyalwa ku muuna yana si ka bona kale fateni? Cwale, yeo kinto yetuna. Mane ali kuba mubone fateni, kono na utwile fela za hae ku mutanga.

<sup>96</sup> Wani ki mufuta wa Munyaliwa. Mwali kuba mubone Kreste fateni. Kono mwa utwanga, ka batanga ba Hae, seo Ali sona. Muka lekisa lika kaufela, musiya malapa a mina, lika zeñwi kaufela, mwa ya mu yo Mu bata. Cwale mulemuhe, mi ki haba ni keto, ki mufuta wa Munyaliwa, ya siile lapa la hae la likopano, mwabona, ku ya.

<sup>97</sup> Jona, na icumbezi mwa mezi ka nako ya liñungwa, kwatasi a liwate, mwa mba ya tapi yetuna tuna. Sepo ya kupila kaufela ne ifelile. Kono ze ne keni mwa munahano wa hae neli za Solomoni, hana neela tempele, kuli, “Mulena, haiba sicaba sikena mwa butata kai kamba kai, mi ba sikuluha kutalimana ni tempele mi ba lapela, fohe u bautwe.” Mi a fetuha ali mwa mba ya tapi, akona kufumana mukwa wa ku kubama ka ona ka mañwele, Na akaleza cwalo, mo ne kuna ni mataza a tapi yani fa mubili wa hae kaufela.

Ona mwahali mwani a lapela mwa ñalelwa. Mi mwahali mwani, ñalelwa; za na tokwa fela neli okisijini ya moya o likani fela kuli abuyele mwa mba ya tapi mwani. Mi mwahala makateñi a kubuyela ani, mwendi na sa zibi kuli neli ka nzila ye cwani, kono ali, “Mulena, Ni lumela kuli Ni talimezi kwa tempele ya Hao.” Mi ana ni kukona kubuyela hanyinyani fela cwalo, mwa ñalelwa, a lapela, mwatasa linako zecwalo. Ne li sika ezahala kale fateni, kono nana ni ñalelwa. A lapela, mi Mulimu amu inisa inza pila ka mazazi amalalu ni masihu, mane amuisa kwa sibaka kwa na ilo shaela liñusa. Ñalelwa!

<sup>98</sup> Hanah, musali wa mumba mwa Bibebe, na bata mwana mushimani, mi akena mwa kuitima lico ka yena. Mi aitima lico ni ku lapela konji muprisita mwa tempele ahupula kuli u kozwi. Nali mwa ñalelwa yetuna! Ni basali babañwi inge ba talimezi mufuta wa butata bwa na nani ni za na apezi; mi mwa ziba mi li zamaelanga; mi babañwi inge ba bona mufuta wa litio za na apezi, ni kubulela lika ze ne ezahala fa masimu abona. Kono Hanah na si cwalo; aya mwahala sicaba kaufela kuliba kwa katala. Na sweli kuitima lico. Na bata kuli maswabi a hae a zwiswe ku yena.

Ki shutano ye cwani ni kacenu. Seli maswabisa mane kuna ni mwana. Mi mwa linako zani neli—neli maswabisa ha usina mwana.

Mi ki ha wa ka mañwele. Mi na si ka lemuha butokwa bwa tempele. Na si ka iseza ngana kwa muprisita yana kutekeha bani ha na zwela fande. Nali mwa ñalelwa yetuna kufitela mioko ne ibuba fa malama a hae, mi nasweli kulila, mwa ñalelwa, “O Mulena Mulimu, nife mwana mushimani. Amufa mwana mushimani!”

<sup>99</sup> Mi, mulemuhe, na sina buitati. Mulimu ha na mu utwile, ni ku alaba tapelo ya hae amufa mwana mushimani, amu kutiseza ku Mulimu. Mi bakeñisa kuli na itakaleza ku sa ba ni buitati kasamulaho Mulimu amu alaba tapelo, A mufa mupolofita. Oh, yani neli mbuyoti ye fitelezi. Oh, Yena uteni buñata bwa zona, ona lika zenyinyani Za fanga zani. Isiñi mwana wa mushimani fela, kono mupolofita. Mi nekusina lipono ne li sa atisi kuba teni hala lilimo, limo zeñata, mwa Isilale. Samuele, mupolofita wa pili, ka lilimo, zeñata ñata, kakuli bo mahe ne ba keni mwa ñalelwa; bakeñisa kuli na sa pepi, mi na sa fitelezi nako ya kupepa, mwendi hakulata neli wa myaha ye mashumi asilezi, mashumi asebente a kupepwa. Mi ki ha lapela ka ñalelwa, ulukela kuba ni mwana yo! Neli sikamañi? Mulimu na bulezi sika ku yena, na sa kakanyi.

<sup>100</sup> Hamukoni kuba mwa ñalelwa kufitela Mulimu abulela ku mina. Oh, Keleke, muzuhe mi mu nyanganye! Munyape lizwalo la mina, amu izuse ili mina, mwa hola ye! Lu lukela kuba mwa ñalelwa, kamba lu shwe! Kuna ni se si taha kuzwa ku Mulena! Na ziba kuya ka zakuli KISONA SA BULELA MULENA. Kuna ni se si taha, mi kihande lukene mwa ñalelwa. Si mwahala Bupilo ni lifu. Si ka fita mwahala luna mane lutokwa ku si bona.

<sup>101</sup> Bakenisa kuli nasina buitati, a fiwa mupolofita.

<sup>102</sup> Musali wa mu Shuneme nana ni mushimani yomunyinyani yo mupolofita wa Mulena na bulezi Linzwi ka yena, ni ha na sa supezi mane ni muuna hae na supezi ni yena. Ne ba sina bana, kono nana ni sishemo ku—ku mupolofita yo. Mi a ziba kuli neli muuna wa Mulimu. Na lemuhile kuli na bonahala ku kutekeha, ali muuna sakata. Akena mwa ndu, muuna hae na li

siyo, ni lika zeñwi kaufela. Nali muuna ya kenile. Ne ba bona kuli neli mutu ya kutekeha. Na mu talimelanga fela aeza limakazo ni ze komokisa. Na mu utwile ha bulela lika ze ne ezahalile. Nali muuna ya kutekeha, muuna ya kenile.

Ato bulelela muuna hae ali, “Ni lemuha kuli muuna yo ya fitelanga fa ki muuna ya kenile.” Mufumahali wa mwa lapa, na zibile kuli nali muuna ya kenile. Ki ha muyahela ndu kwande, kuli asike a ikutwanga maswabi. Na ka taha nako kaufela ya lata kutaha, ni zeñwi cwalo. Mi abeya ka—ka kambeta nyana mwatani, mi ni—mi ni ndondo ya mezi, ni zeñwi cwalo, kuli atapange ni kunna cwalo. Mi musali na lumanga mubeleki wa hae kwande, kamba mutu yomuñwi, mubeleki cwalo, ni—ni lico za ku mu fepa ka zona, mi kipeto utaha ku to mu kupa kuli aine—aine lizazi mutumbi ku yena, kamba nto ye cwalo.

<sup>103</sup> Mi, kacwalo, Elia ha na boni sishemo se ku ezwa ku yena. Mi ku ñozwi kuli, “Se mu ezeza ku babanyinyani ba Ka, mueza zeo ku Na.” Kacwalo abona cwalo, musali yani nasweli kukuteka Mulimu hana kuteka mupolofita yani, sina ha na bona Mulimu ku mupolofita. Mi, kacwalo, nekusina sa nan bata kuli ibe mupuzo wa sona. Ne li so yo mwa pilu ya hae kuli alifiwe. Na li ezize fela kakuli na lata Mulimu. Na si ka lieza ka kubata mbuyoti ifi kaufela. Na li ezize fela.

<sup>104</sup> Cwale, cwale Elia ali, “Zamaya u yo mu buza, kikuli Ni bulele ku mulena ka yena? Na ki mulikana ka. Kamba, kapitao yomutuna, Na—Na mu ziba hande luli. Kuna ni sishemo, nto ye Ni kona ku mu ezeza, Ni bata ku mufa nto yeñwi bakeñisa seo abile ku na. U—u ni fepile hañata. U ni lumelelize kulobalanga fa mimbeta. Mi—mi ubile yomunde hahulu ku na. Cwale ki sikamañi se Ni kona ku kueza?”

Musali ali, “Batili, Ni pila fela mwahala sicaba sa hesu. Lu—lu iketile. Luna ni mo lu ipiliseza, mi kipeto kulikani. Hakuna se lutokwa.”

Mi Gehazi ali ku yena, “Kono hana mwana ni wa lubandangoti.”

<sup>105</sup> Hakuna nihaiba alimuñwi yana boni Gehazi, hakuna kukakanya kuli mupolofita na boni pono, kakuli na bulezi kuli, “KISONA SA BULELA MULENA. Zamaya u yo mu bulelela, ka nako ye swanela, kamba nako ha se i kwanile, mwaha kuzwa cwale, uka swala mwana wa mushimani mwa mazoho.”

<sup>106</sup> Mi mwana a pepwa. Hanali wa myaha ye lishumi ka yemibeli ya kupepwa. . . Ka mo lapa lani mo ne ba latela mushimani yomunyinyani yo, ili mwana bona anosi fela. Mi zazi leliñwi nali kwande inza puma makonga, ni bo ndatahe. Ni sepa neilukela kuba ka musihali cwalo mwa lizazi, aba ni kulengiwa ki lizazi, Na sepa, kakuli na kalile kuhuwa kuli, “Toho yaka.” A kula hahulu hulu. Bo ndatahe ba mu zusa mwa simu, mi neli taba ya nyewanyewa luli fani, kuli aluma mutanga, mi amu luma.

<sup>107</sup> Bomahe ba mu beya fa mautu a bona kufitela musihali tuna, mi a shwa. Mulemuhe, mwana hae fela anosi, yana filwe ku bona ki Mulena, kuya ka tapelo ni sepiso ya mupolofita hamoho cwalo ni KISONA SA BULELA MULENA. Aziba kuli nekuna ni sene si fosahalile kokuñwi. Ne li sa beleki fela. Kana Mulimu na ka mufela ñi mwana yani mi ni kumu—kumu tuhela kuli lilato la hae liye ku mbututu yani? Ibo na si ka li kupa. Na supezi hahulu kuli abe ni yena. Lizoho la Mulimu kona le ne li bulezi lika. Ki muuna yana libulezi, ali mupolofita. Mi fani mbututu yo mwa buino bo, a shwa, mwana hae wa mushimani mi anosi.

Kacwalo ali ku mutanga, “Ni bofululele pelesa, mi upahame, mi usike wa yema. Haiba mutu alika ku ku yemisa, usike wa bulela nihaiba linzwi, kono ukitimele fela kuliba kwa Lilundu la Karmele. Fahalimu a liñope fani, kifo cwale pahama, kuna ni mutanga wa Mulimu Yomutuna Yapahami teñi fani; yena yana ni bulelezi kuli, KISONA SA BULELA MULENA, Ni kaba ni mbututu. Ni bata kuziba libaka Mulimu ha ezize nto ye.” Kacwalo ki hali. . . “Ki fo he pahama ulibe kwateñi usike wa londotoka ni mule ya hao. I mate fela katata kuya ka zeliteni ku yona. Ituhele itakise kufita lu yo punya teñi kwani.” Nalelwa!

<sup>108</sup> Mi Elia mupolofita a nanuha, atalima, mi ali, “Ki yo Mushuneme ya taha, mi, ki yo, kuna ni se si fosahalile ni yena. Mulimu u ni patezi sona. Ha ni zibi se si fosahalile.” Ali, “Zamaya, u mu katanyeze. Ni na. . . Ha lu akufe. Kuna ni se si fosahalile.”

Ñalelwa ya kenela mupolofita, nalela yeneli ku musali. Mwabona, neba taha hamoho; you bata kuziba kuli Linzwi la Mulena ne li bulela sikamañi, mi yomuñwi na sa zibi kuli Linzwi la Mulena ne li li cwani. Ki fo he cwale. You bata kuziba ka lona, kono yomuñwi ha si ka li ziba. Musali na bata ku li ziba, kono mupolofita na si ka li ziba. Ali, “Mulimu uni patezi lona. Ha ni zibi za ku mu bulelela ha ka fita kwanu.”

Kacwalo naya a atumela kwani cwale. A nanula lizoho la hae, mi ali, “Kana kaufela liiketile ni wena? Kaufela liiketile ni muuna hao? Kaufela liiketile ni mwana?”

<sup>109</sup> Cwale, musali na sa fitile fa mafelelezo a ñalelwa ya hae. Mi ali, “Kaufela liiketile!” Kanya! “Kaufela liiketile!” Nalelwa ya hae ne se ifelile. Na sa fumani mutanga Mulena. Kambe na li si yo fani, na kaba mwa ñalelwa ona cwalo. Kono, mwa bona, nali teni fani. Musali ali, “Kaufela liiketile!”

Elisha a hupula kuli, “Kihande, ki sikamañi se si ezahala cwale?”

<sup>110</sup> Kacwalo musali amata ni ku yo wela kwa mautu a hae. Sani ne si bonahala kuba se sinca, kacwalo Gehazi amu nanula fela. Ali, “Mutuhele fela, usike wa eza cwalo.” Elia ali ku mutanga, “Usike wa eza cwalo. Mutuhele fela. Kuna ni se si fosahalile.

Mulimu uni patezi sona.” Mi ki ha patulula ku yena kuli mbututu na shwile.

<sup>111</sup> Cwale, mupolofita na sa zibi sa kueza. Mi ali, “Gehazi, nga mulamu o Ni zamaelanga wo.” Na zibile kuli kaufela sa na swala ne si fuyozwi, kakuli ne si yena, neli Mulimu ku yena. Na zibile yo nali yena. Na zibile kuli nali mupolofita. Kacwalo ananula mulamu wo ni kubulela kuli, “Gehazi, nga ki wo, mi uye u yo u lobaza ku mwana. Mi haiba kuna ni yaka ku bulelisa, ube ni ñalelwa. Mi usike wa lumelisa mutu, mi kusike kwaba. . . Zwelapili fela kuya kwapili, usike wa bulelisa mutu. U yo ulobaza ku mwa.”

<sup>112</sup> Kono, musali, sani ne si si ka feza ñalelwa ya hae. Sani ne si si ka kulisa sa na tezi. Musali ali, “Kuya ka Mulena Mulimu ya pila, Ha—Ha nina ku ku siya konji wena hauka yo ni tuseza mwana.”

<sup>113</sup> Mi Elia akenelwa ki ñalelwa. Mi ki yo a nanuha, a shetumuka mwa mukwakwa, yena ni musali. Mi ha ba yo fita kwani, lika. . . sicaba kaufela nesili fande mwa patelo, inge ba huwa ni kulila. Mi musali na ezize ze lukela za na swanela kueza. Na ngile mbututu ayo mu lobaza fa mumbeta wa na lobalanga Elia. Ono swana fela inge mulamu wa hae. Kono na si ka zuha fateni, kacwalo nto yeo ne isika beleka. Na bata kuziba nto ye shutana.

<sup>114</sup> Mupolofita akena mwahali. Cwale ukeni mwa ñalelwa. Cwale ki sikamañi sa ka eza? Mi lu fumana mwa Bibe kuli na zamaile kafa ni kafa mwa ndu, ñalelwa. “Ha ni sa ziba sa kueza hape, Mulena. Ki Na yo fa. No ni bulelezi kuli ni bulelele litaba zani ku musali, kuli KISONA SA BULELA MULENA. Mi neli ona cwalo ka mo ne Ni mu bulelezi, kakuli No ni bulelezi. Cwale, ki yani umwa butata, mi Na hani sa ziba sa kueza. Ki yo fa mushimani ya shwile fa lobezi. Ki sikamañi se Ni ka eza, Mulena?”

<sup>115</sup> Hakuna kukakanya Moya o Kenile noise kuli, “Haiba Mulimu uteni ku wena, konakuli lobala ku mbututu.” Taba yapili mwa ziba, a yema, amata ayo beya mazoho a hae fahalimwa mazoho a hae, ngo ya hae fa ngo ya hae, milomo ya hae fa milomo ya hae. Mi hana tilo patama fahalimwa hae, mbututu a itimula ha sebene. Ñalelwa ne se ifelile.

Mbututu ataha kwa bupilo, bakeñisa kuli ñalelwa yani ne isize musali ku mupolofita, mi ñalelwa ya isa mupolofita ku mbututu. Mi ñalelwa yeneli kubona bababeli ya hoha Mulimu kutaha mwa sibaka. Ka lilato la Mulimu, ni lilato ku mupolofita kwa sicaba sa habo, ya tisa lilato la Mulimu fafasi, mi ya tisa tumelo kuzwela kwa mafulo a ndwa, mi musebezi wa ezwa. Taba ya fela. Amen! Ki peto. Ñalelwa kona ye eza lika. Kaniti! Nasike ku nanuha fateni.

<sup>116</sup> Bartimeasi wa sibofu na hupula kuli Jesu na ka mu fitelela, aina kwande fa munyako wani, sibofu inza kupelela, kubata



lituso. Taba yapili mwa ziba, autwa lilata; Jesu nasweli kufita. Ki hali, “Kimañi yo yasweli kufita?” Yomuñwi amu kuziza. Mi ali, “Shangwe, yomuñwi, kimañi yafita?”

Alimuñwi wa bona, kihande, mwendi neli mulutiwa ya musa wa musali wa mwanana, ali ku yena, ali, “Muñaka, kikuli ha uzibi Ya sweli kufita nji?”

“Batili. Ni utwa babañwi bali, ‘Kuna ni mabita atezi bafu ku ona fa. Haiba u zusa bafu, zamaya u yo ba zusa.’ Kana ki munyefuli kamba ki ya cwani?”

“Batili. Kana ukile wa utwa fateni za Mupolofita wa kwa Galilea, Mupolofita wa mwanana yani Jesu wa Nazareta?”

“Batili.”

“Kihande, wa ziba, mwa Bibeke ku bulela cwana mwa matapa a luna kuli Mwana Davida uka taha kuzwa mwani. Ki yena Yo.”

“Kana ki Yena yoo? Kana ki Yena yoo, mi Usweli wa fita?”

Ñalelwa ya mueza kuli ahuwe, “O Jesu, Wena Mwana Davida, uni utwele butuku!”

Si ni fiteleli, O Mupulusi ya musa,  
Utwa kulila kwaka kwa kuikokobeza;  
Ha U nzo biza babañwi cwalo,  
Si ni fiteleli.

“O Jesu!”

Babañwi ba kubona bali, “Kuza wena! Utaza feza lilata.”

<sup>117</sup> Kono nali mwa ñalelwa. Haiba Na ka fita, hakula nasike aba ni kolo yeñwi hape. Ni luna halukoni kuba ni yona; bo ikona kuba busihu bwa mafelelezo. Ñalelwa! A huwa kuli, “O Jesu!” Hakuna taba kamba ki mañi yana mu kuzisa, ahuwa ona cwalo ka tundamo, mane ahuwa ni kufita. Haba mu bulelela kuli akuze, za mueza kuli ahuwe ni kufita. Nali mwa ñalelwa. Hakuna mutu yana koni ku mu kuzisa. “Wena Mwana Davida, u ni utwele butuku!” Mi a huwa mwa ñalelwa.

<sup>118</sup> Mi Mwana Mulimu, ni libi za lifasi fahalimwa maheta a Hae, aya kwa Jerusalema ku yo talekwa, ona kwani, ku yo ba sitabelo sa lifasi, a yema mwa mitala ya Hae. Ñalelwa, neli sililo sa ñalelwa, ayemisa Mwana Mulimu. Ali, “Ki sikamañi so bata kuli Ni ku ezeze?” Oh!

Ali, “Mulena, nibata kuli Ni amuhele meto aka.”

Ali, “Ikele mwa musipili wa hao, tumelo ya hao i kupilimize.”

Zani neli likani. Ñalelwa! Haiba ñalelwa ina ni ku amuhela sika, muswalelo o likani, wa tumelo wa i swala. Mwabona? Na si ka bulelela kuli, “Cwale libelela fa muzuzu nyana, libelela fa muzuzu, litela fo pili fa nako nyana ka muzuzu, halubone haiba Na kona kubona cwale. Nali kuba nibone fateni mazoho aka, ka lilimo zeñata. Halubone haiba Na kona kubona. Hakuna se ni

bona cwale.” Fani Jesu hana ize, “Tumelo ya hao ikupilisize,” fo kipeto ku likani. Kona fela za na bata.

<sup>119</sup> Ñalelwa ibiza sika sesituna, mi cwale sika sesituna seo, hakuna taba kamba ki zenyinyani cwani, ika amuhelwa, ya lumelwa ona fo, kakuli tumelo iswala fela haiba ñalelwa ya ikasha. Mwabona? Lilato mwahali mwani likopana ni yona mi la itisa ku lona. Ñalelwa kona ye eza lika.

Bartimeasi wa sibofu na sweli pono kapili.

<sup>120</sup> Pitrosi, na susumelizwe hahulu, busihu bulibuñwi fa liwate, hana keni mwa ñalelwa. Mi akala kuhuwa, “Kuna ni se si fosahalile. Ni bona silumba se sitaha, si taha ku na!” Sisepe ne si bata kutiba. Ki hali, “Haiba ki Wena, Mulena, ni lumeze kutaha ku Wena fa mezi.” Mi azwa mwa sisepe mi akala; mi asaba ha na kalile kunwela, ni ñalelwa. . . Niha neili mafosisa, ka kulika kulatelela litaelo za Mulimu, . . . Ni sepa kuli keleke ya teezeza zeo. Muuna yani na eza sa na mubulelezi Muli u kuli aeze.

<sup>121</sup> Cwale, wena Mukreste busihu bo, umwa siyemo sa musebezi wa hao, unzo lika kulatelela tamaiso ya Moya o Kenile; mi kansa i ku sweli, kamba ki—ki lifu le li ku sweli, ki kansa, ku sihotolwa, kaufela seo sili sona. Mwa sibaka sa musebezi, una ni tukelo yeswana yana nani yona Pitrosi.

“Mulena, ni pilise, kamba Na shwa.” Mwa ñalelwa a biza, mi lizoho la otoloha ni ku mu nanula. Una ni nto yeswana. Kono yena na huwile ali, “Aku ni pilisise, Mulena!”

A utwa sililo sa ka sa ñalelwa,  
Kuzwa mwa mezi a ni nanula, cwale Ni  
tusehile. Mwabona?

<sup>122</sup> Kona cwalo, ha mu lila!

<sup>123</sup> Mwendi musali yo, me, kamba ki sikamañi kaufela sana bulelezwi, mwana yomunyinyani, kamba ki muikulu, kamba mwana kezela hae, kaufela seo nesili sona, na lilile ka ñalelwa. Mulimu amu utwa.

<sup>124</sup> Mi cwale lufumana kuli, mwa kutiba mwani, Mulimu amu utwa. Mwa sibaka sa musebezi, akala kutiba. A palelwa. Hakuna taba kamba wa palelwa, seo hasina sa kueza ni sona. Kaufela luna lwa palelwa. Lu bapalelwi, ka kukala. Kono luna ni Yomuñwi ya yemi ni lizoho leli tiile, Ya kona ku fita ku luna ni ku lu zwisa mwa mezi.

<sup>125</sup> Haiba ubile ni mafosisa, musali yomuñwi ya ezize mafosisa, muuna yomuñwi ya ezize mafosisa, mushimani yomuñwi kamba musizana ya ezize mafosisa; usike wa tiba. Huwa katata, mwa ñalelwa kuli, “Mulena, ni pilise, kamba Na shwa!” Kena mwa ñalelwa ka zona. Mulimu uka ku utwa. Yena kamita u utwanga moyo olli mwa ñalelwa. Zeo kona ze Ni lika ku mi bulelela ka zona.

<sup>126</sup> Mulena luna Yomunde Jesu, Kasibili, mwa mafulo a ndwa amatuna a lifasi, Getisemani, Na lilile, mwa ñalelwa. Kikuli A lwale libi za lifasi, kamba A siyale fela mwa lifasi ni balutiwa ba Hae baba latiwa, ki sikamañi sa Na bata kueza? Kono mulemuhe buishuwi bwa Hae ha Na nza ikokobeza ili Yena, “Isike yaba tato ya Ka kono kuezwe tato ya Hao,” aikokobeza ili Yena kwa Linzwi, ili Linzwi la sepišo ya Mulimu wa Lihalimu.

Mulemuhe, cwale, Aya fapili nyana. Mi haiba Naile fapili nyana, kana luna lu lukela kuya cwani fa pata nyana. Mwabona? Mi mulemuhe, Mañolo abulela mo, mwa Luka, kuli Na lapezi ka ciseho. Muzwale, kezeli, haiba Jesu nana ni kulapela ka ciseho, luna bo lilukela kufita kai ka za kulapela ka ciseho. Haiba nji Kreste, yena Mulimu wa Lihalimu, yana ezizwe nama, na lapezi ka ciseho, konakuli luna bo lulukela kufita kai, baezalibi baba pilisizwe fela ka sishemo, ka za kulapela ka ciseho! Haiba—haiba keto ne ikenyize Mwana Mulimu mwa ñalelwa, ika eza sikamañi ku wena ni ku Na? Ka ñalelwa luli lu swanela kulila.

<sup>127</sup> Mulimu, mwa mazazi a maungulo aa, u iponahali ili Yena ku luna, ka lisupo za Hae zetuna ni mata, li lukela ku lufa ñalelwa. Yeo ki niti. Mi tato ya Hae ki ku lufolisa ni ku lupilisa, li lukela ku lubeya mwa ñalelwa kuli lufite fa Licwe la foliso lani. Yeo ki niti.

<sup>128</sup> Mutalime, haiba Florence Nightingale... Muikulu wa baikulu wa nyandi Florence Nightingale yana kalisize katengo ka ba Red Cross. Mu boni siswaniso sa hae mwa buka, yana nani bukiti bwa lipaundi ze mashumi amalalu. Kansa ne se i mucile kufeza. Mwa London, England; neba mutisize kuzwa kwa Africa, kutaha kwa London, England. Mi kwani mwa ñalelwa... Muzwale Bosworth añola ku mu bulelela, kuli, “Halukoni kutaha kwa Africa.”

<sup>129</sup> Ni yena añola hape, nana ni nasi yana mu ñolela mi ali, “Hanikoni ku shenya. Hanikoni kueza cwalo.”

Aba bonisa siswaniso. Mu boni fateni siswaniso. Fela ne lu apesize kaemba nyana fateni. Neli fela kahala ka kalikani fateni. Ne ni hupula kuli yomuñwi, na ka beile mwa buka, wakona ku kanana kakuli nali fela... mubili wa hae noli fela mapunu kwani, kuli... mi se lu apesa fateni kanto nyana fela *fa*. Nana ni fela ka—ka kasila ka kanyinyani, na apesizwe taulo, fa linoka za hae. Kono kwa halimu, ne kusina sika. Mi mane... Kono ne lu hupuzi kuli lubeye fateni kaemba nyana ka pampili fani mi lu swanise si... lu swanise sani. Ili kusabisa batu baba sina minahano yeminde ku bona, kuli basike ba ni kataza ka kubeya siswaniso se sicwalo mwa pampili.

<sup>130</sup> Mi cwale dokota hana bulezi kuli na sakoni ku shimbululwa, mi na zibile kuli Ne ni ka yo potela England, na ba bulelezi kuli ba mubeye fa kambeta ka mukuli, mi ba mu beya fa fulai, mi ba mutise kwa London, England, mi ba beye mulibeleli fa fulai ba sikaya kale kwa Buckingham Palace, ba luma mulibeleli kwani

kuli ato mu lapelela. Mane na sa totobezi hahulu kuli mane na palelwa nihaiba kubulela nina. Neba mu nanuzi mazoho kuni swalisa lona.

<sup>131</sup> Mwa ziba London mo iinezi, mina masole babañwi mubile teni kwani. Kamita kuna ni mbundu maswe. Mi se Ni kubama kwani bukaufi ni lihauloo, mi yena . . .

Mioko neisweli kububa fela. Na bata ku . . . Hani zibi kuli na fumana kai mezi aku zwisa mioko. Ne li fela masapo sapo, ki litalo fela lene li apesize fahalimwa ona; mi haili—haili mautu a hae fahalimu a linoka za hae, mo ne kubonahalela kuna, inge mainci amabeli fela, kamba mainci amalalu. Misinga ya hae ne se i wile. Mwa na konela kupilela, Ha ni zibi. Mu boni siswaniso sa hae kasamulaho.

<sup>132</sup> Na kubama kwa matuku a mumbeta. Cwale, nali mwa ñalelwa; haiba Ne ni kaya teñi kamba nee, ne ba ka mutisa, niteñi. Mi Na yo fita kulo kwani, pilu yaka neilobehile mwahali ku na, bakeñisa tumelo ya mutu, ya nyandile yomunyinyani, yana shwa yani, mi Na lapela ka pilu kaufela yene Ni nani. Mi Hani kalisa kulapela, liiba nyana cwana la taha, la fufela fa lihauloo, la kala kuzamaya zamaya kwa ni kwa, inge li lila. Ne ni nahana kuli neli sipupe. Nali kuba ni be mwa England kono neli fela ka hola iliñwi ka nako yateni, kona hane ni sa zo zwa kwa libala la fulai kwani. Mi Na hupula kuli neli fela sipupe. Mi ha Ni to yema, ni kubulela kuli, “Amen,” se li fufa.

Mi Na kala kubuza mizwale, haiba ne ba utwile liiba lani. Mi ni bona ne ba ambola ka lona, mi ha Ni kala kubulela kuli, “Kana ne muboni, sene li talusa liiba lani . . .” Ne li tisize sakuli, “KISONA SA BULELA MULENA, uka pila mi hauna kushwa.”

Mi wa pila kacenu. Kiñi? Ñalelwa. Ñalelwa neitiselize musali kuba ni mayemo, kupila kamba kushwa. Ñalelwa ne iezize kuli afite kwani ka nako yeswana ha Ni fita kwateni. Mi ni zibahazo yezwa ku Mulimu, A luma liiba, kutisa KISONA SA BULELA MULENA. Ñalelwa!

<sup>133</sup> Fani kezeli, Hattie Waldrop wa kwa Phoenix, Arizona, hana taha inza zamaya, kutaha mwa mukopano wa ka wa pili. Mwana sikolo ni muuna hae neba mutisa; neli kansa ya pilu. Na mu yemisize, ka kulika kufita kwani kwa mukopano, kono nali ya kula hahulu nali . . . na sa koni kubuyela ni hanyinyani, mali nasweli kulota mwa pilu ya hae koo kansa ne icile ku yo punya ni kwa pilu ya hae. Cwale, kansa ya pilu! Fani seli lilimo ze eitini, lilimo ze naintini kwa mulaho, mane mwendi ki mashumi amabeli, 1947 kona fo ne liezahalezi.

<sup>134</sup> Cwale, abulelela muuna hae ni mwana sikolo wa dokota kuli, “Ni ha Ni ka shwela mwa mukoloko wo, muni ise fahalimu fani.” Ñalelwa. Na latehezwi ki lizwalo. Ha ni sepi kuli na shwile; na bulela kuli na shwile. Cwale, hakulata na shwile. Wakona ku utwa tepu ye, mwa bona. Cwale Ni—Ni—Ni. . . Yena, na bulezi

kuli na shwile; Na hani zibi. Ne ba ni bulelezi kuli, “Kuna ni musali ya shwile ya tiswa mwa mukoloko.” Mi cwale musali ha to fita, na sina bupilo. Mi haba mu tisa fahalimu fani, Linzwi la Mulena la taha; mi Na yo mu beya mazoho, mi ki ha zuha ni kuya kwa ndu, inza zamaya. Fa cwale seli, Ni ka bulela kuli, mwendi, lilimo ze eitini kwa mulaho, mi mane uiketile hande ni pilu ya hae ikwanile. . . Ukaba kwa Tucson ku yo katana ha Ni kaba kwani. Ñalelwa, “Niha Ni ka shwela mwa nzila, niteni, kono mu ni fitise kulo kwani. Na folisa babañwi, Uka ni ni folisa nina.” Walata!

<sup>135</sup> Halu boneni kuli lipilu zaluna litale lilato mwa lizazi le, mi lube ni ciseho, ni ñalelwa. Kasamulaho nyana nako ikabe ifelile.

<sup>136</sup> Jairasi nako yeñwi nana ni mwana musizana yomunyinyani yana shwa. Nali mulumeli wa sihalihali. Na lumela ku Jesu, kono na saba kubulela cwalo, kakuli ne ba ka muleleka mwa sinagoge. Kono dokota ataha kakusasana omuñwi, mi ali, “Wa shwa cwale.” Ñalelwa ya mu kenela. Na palezwi, kuya ka mayemo a hae, kuli afumanehe ni Jesu wa Nazareta, kakuli na ka latehisa situlo sa hae sa kuba muprisita.

Kono Na mi bulelela, ha ku taha buino bwa nyewanyewa, za mu kenya mwa ñalelwa. Na mubona habata koti ya hae ya bukutazi ni kuwani, mi a kena ku yona. Ki yo utaha inza shetumuka mwahala sicaba, inza tundana; kone kuna ni fela mutu yana swala sapalo sa Hae, ni zeñwi cwalo, mi kaufela bona ne basweli kuhuwa. Kono aya mi ali, “Muluti, musizana waka yomunyinyani ufa kaufi ni kushwa. Muluti, Muluti, musizana waka yomunyinyani ufa kaufi ni kushwa, mi kambe No ka taha fela mi ubeye mazoho a Hao ku yena, na ka pila.” Oh, mawi! Ñalelwa ika mi tiiseza kubulela lika nako yeñwi, imieza kuli mueze lika zeñwi. I mibeya mwa kezo. Mwana hae wa musizana a piliswa ka ñalelwa.

<sup>137</sup> Halubeni ni ñalelwa, inge musali yomunyinyani yani wa butata bwa mweya. Biblele ibulela kuli na sinyize masheleñi a hae kaufela, mwa liñaka, kono niteni ne ba sa mutusi. Na sa keni mwa nako ya kuyema lupepo, kuisa fa kububa inge muunda, ka butata bwa mweya, mi ne bu sa tuheli. Mwendi ne se ba lekisize litema labona, limule za bona, limbongolo, ni zene bana ni kaufela; kono hakuna sene si mutusa. Mi baprisita ne ba mu bulelezi kuli asike aya mwahala lika ze cwalo. Kono kakusasana omuñwi atalima fafasi. Na pila fahalimwa likamba, ona kone kuna ni litema la hae kwani, mi abona sikwata sesituna sa batu inge si putehana ku Muuna yomunwi cwana fafasi fani, mi ne bali, “Ki sikamañi sani?”

Bali, “Yani ki Jesu wa Nazareta.” Ñalelwa ya mu kenela.

Musali ali, “Na ha ni swaneli. Ni—Ni. . . Kono haiba fela Ni ka swala kwa mungundo wa sapalo sa Hae, Ni ka foliswa.” Mi

ki ha ipitinga mwahala bahanyezi kaufela ni lika zeñwi. Kono cwale ayo fita fa sibaka, aswala sapalo sa Hae, mwa ñalelwa.

Mi ha Na ezize cwalo, A sikuluha mi ali, “Ki mañi ya Ni sweli?” Mi kaufela bona ba latula. Kono Atalima kafa ni kafa. Na tezi mpo yetuna yani ya Mulimu. Nali yena Mulimu; mi A fumana musali yomunyinyani yani ni ku mubulelela kuli butata bwa hae bwa mweya ne bu lisezi. Ki ñalelwa yene mutiselize kueza sani.

<sup>138</sup> Neli ñalelwa yene zamaisize—zamaize mulena wa musali wa kwa Mboela. Na utwile kuli mpo ya Mulimu ne ibeleka ku Solomoni. Ñalelwa ya mu zamaisa kueza sani.

<sup>139</sup> Ka ñalelwa! Bani ki batu, inge wena, inge wena. Ne ba sa shutani ku mina ni ku Na. Ne ba na ni maikuto a ketalizoho. Ba ca, ni kunwa, ni zeñwi cwalo, sina mo lu ezeza, kupila ni kushwa. Nebali batu sina kaufela.

<sup>140</sup> Ne li mu kenyeze hahulu mwa ñalelwa ye cwalo kufitela anga siemba sa mubuso wa hae. Ne li mu tisize fa sibaka sa kuli apalelwa ku saba ma Ishimaele bene ba ka mu lwanisa mwa lihalaupa, ka mazazi alikana likweli zetalu fa mukokoto kamele inza fita mwa Lihaupa la Sahara. Ñalelwa! Ki yo waya, nihakuli cwalo. Mi hana ilo fita kwani, nekusina se ne si patilwe ku Solomoni kono a mu bulelela lika za na bata kuziba. Ñalelwa! Jesu ali, “Uka zuha mwa Lizazi la Katulo, mwa lusika lo, ni ku lu atula, kakuli yomutuna kufita Solomoni nali teni.” Ñalelwa!

<sup>141</sup> Ka kukwala Ni kona kubulele cwana. Haki kale hahulu, kwani kwa Mexico, Ne ni boni sesiñwi sa ñalelwa. Kona hane ni sa zo fita fela fa katala, kwani mwa sibaka sesituna, mi sicaba nesili kwani ku kala ka naini kiloko kakusasana wani, mi nese ibata kueza teni kiloko ya busihu. Muuna muhulu wa sibofu, busihu bone buzwile kwateni, na li sibofu luli mwendi ka myaha ye mashumi amalalu, a fiwa kubona, mi na sweli kupotoloha mwa tolopo zazi lani, inza paka. Ni libunda la litino za kale, ne li bundami mwendi ka liñokolwa ze mashumi amalalu, mashumi amane, lelituna *cwalo*, neli masila fela akale. Nekuna ni mwendi batu baba eza masauzande a mashumi amane, kamba mashumi aketalizoho kwani. Ni likuwani za kale ni masila sila, bene bali za zona, Ni sepa ne ba na ni kubona zeo mwahala bona. Mi ya nela pula kusuluha.

<sup>142</sup> Mi ba ni tulukisa fafasi ka muhala, kwa limota, mi Na fita fa katala. Mukutazi. . . Muuna yainzi fa, ba mu kenya mwahali. . . Yena ni mwana hae wa musizana ba taha kuzwa kwa Michigan mizuzu nyana yene fitile, ba ambola ka za Muzwale Arment. Lwa mu hupula kwanu. Umwa mikwakwa ya Kanya busihu bo. Muzwale Arment naliteni kwani, mi atubula koti ya hae ya fahalimu, ni kuyema mwa pula, ni ku itambeka ku Muzwale Jack Moore kuli a i tine, kakuli Jack nasweli kunjanja. Mutu wa kwa Mboela yani nali bukaufi ni kukangela mwa silami sa pula ya kwa Mexico yani. Mi ki yani na yemi fani.

<sup>143</sup> Mi Billy Paul ataha ku na, mwana ke wa mushimani, mi ali, “Tate, mu lukela kueza nto yeñwi. Kuna ni musali nyana wa mu Mexican kwani yana ni mbututu yene shwile kakusasana kacenu. Hanina batusi ba fa munyako baba kona ku muhanisa mwa mukoloko ba palezwi.” Haiba kubeya mazoho ku muuna yani wa sobofu ne ku mu file kubona, kubeya mazoho ku mbututu wa hae ya shwile kwakona kuifa bupilo. Nali mu Katolika. Mi, yena, neba palezwi ku mu tibela.

Mi Muzwale Espinoza ni babañwi ba mu bulelela kuli, “Halusana makadi a litapelo a liteni. Una ni kulibelela kufitela busihu bo butatama.”

<sup>144</sup> Musali ali, “Mbututu wa ka ushwile. Ushwile kuzwa kakusasana. Ni lukela kufita kwani.” Mi na sweli kutaha, kadi ya tapelo ibe teñi kamba haiyo. Mi ba yema balibeleli baba kuma fa mianda yemilalu kamba cwalo. Mi na sweli kufita mwatasa mautu a bona, ni kutula fa mikokoto ya bona, ni kumata ni mbututu ya shwile yo, ni kuwa mwahala bona. Zeo ne li si eza shutano ni yekana ku yena; nalika ku yo fita kwani. Nana ni ñalelwa. Mulimu na bulezi kwa pilu ya hae, kuli, “Mulimu yana file kubona, wakona kufa bupilo.” Oh, mawi! Na li mwa ñalelwa. Sesiñwi ne si tuka mwahali ku yena.

<sup>145</sup> Oh, sicaba se si kula, haiba nemuka lumeleza kuli seo situke mwahali ku mina fa mizuzu yelikani, mi mutalime se si ezahala, mufuta wa ñalelwa yecwalo yani. Yena Mulimu yana konile kufolisa mushimani yomunyinyani busihu bobuñwi, na ka folisa kalibe yani wa kansa, kufolisa muuna yo, ni kueza se, Ma Florence Nightingale, oh, masauzande a mashumi amañata! Yena, luli, bupaki bobu iponahaza hande bwani; kuzusa bafu, ni kufolisa bakuli, ni lika zeñwi kaufela. Haiba ki Yena Mulimu, wakona kueza cwalo; Yena ki Mulimu maabani, Yena ki Mulimu kacenu. Mube ni ñalelwa, fohe kipeto mukaba ni se si ka ezahala.

<sup>146</sup> Kutuha fo, mwa ñalelwa ye, akala ku akufa. Na bulela ku Muzwale Jack Moore, Na li, “Ha ni zibi. Ali kuba ani bone fateni. Ha zibi kuli ki mañi yali fa katala fa. Musali wa mu Katolika yomunyinyani yani, cwale, na sa koni kubulela linzwi ni lelilana la Sikuwa, kona kuli uka ziba cwani kuli ki mañi?” Se nili, “Zamaya umu katanyeze, mi ulapelele mbututu, mi kipeto uka ikutwa kulikana, mi kipeto uka ikela.” Ali, “Mi hasina kutisa. . .” Neli fela nyungano fafasi fani. Na sweli kutula, mi mañi ni mañi nasweli kuhuwa. Na sweli kumata kutulanga fa maheta a bona, ni ku wela mwahala bona. Na kona kumata nyana, mi kipeto ba mu hohela mwa mulaho; mi ki yo ukena mwahala mautu a bona, inza sweli mbututu ye, ku filikanya batu ba fa munyako bani ni lika zeñwi kaufela. Nekusina shutano ni yekana, na sweli kupahama fani. Nana ni kufita fani! Hakuna shutano ni yekana kamba nekuli cwani, nana ni kufita teni kwani. Nekuna ni mukutazi. . .

147 Cwale kana leo ha ki likande fela le liswana ni musali wa kwa Shuneme? Fela, sani ne si lilimo ze mianda ye mashumi amalalu ka zeketalizoho kwa mulaho. Sani neli lilimo zetalu kwa mulaho, kamba zene. Mwabona?

Ikona kuba nto yeswana ni busihu boo. Ha ku taha ñalelwa yeswana, ika nepela lilato ni tumelo mwa mafulo a ndwa, fa kuli mube ni se mubata, kakuli ki sepiso ya Mulimu kuli mwakona kuba ni sona. Yeo luli ki niti.

148 Na sikuluha; na, mukutazi, kamba mubuleli yanali mwa sibaka. Na sikuluha. Na to utwela makeke musali yani, kono nekusina ñalelwa. Mwabona? Na fetuha ni kuhupula kuli, “Kihande, Muzwale Jack uka mu lapelela, mi sani—sani sa ba mafelelezo.” Na fetuha kuitemuna. Mi nali, “Sina hane Ni bulela cwale, tumelo. . .”

Mi Na talimela kulo kwani, mi kwaba pono. Na bona mbututu yomunyinyani yanali fani, wa sifateho se sinyinyani se sinsu, mbututu wa mu Mexican yasina meeno. Na sweli ku ni sehela, inge ainzi fani. Se nili, “Libelela fa muzuzu. Libelela fa muzuzu.” Ñalelwa ya hae ya hoha Moya o Kenile kucinca tuto yaka, ya cinca meto aka ni ku ni bonisa mbututu wa hae inge ainzi fani. Sani sa luma Moya kukuta. Se nili, “Libelela fa muzuzu. Libelela fa muzuzu. Tisa mbututu.”

Ki yo ataha ni ni yena, inza kolobile, ulota mezi, ni kubo ye mubala wa ndilu ni busweu, ye nyinyani, ya shwile ni lufulo lo lutelele *cwalo*. Awa, ni sifaha sa sifapahano mwa lizoho la hae, kamba neli rosari, kuli alapele litapelo za “lumela Maria.” Na mu bulelela kuli, “Si beye kusili, seo hasina tuso.”

Mi ataha bukaufi ni fo ne Ni yemi, mi akalumuka ni ku huwa, “Padre,” ili kutalusa kuli, “Ndate.”

Se nili, “Usike wa bulela cwalo. Usike wa bulela cwalo. Kana wa lumela nji?” Mi amu bulelela mwa si Spanish, kana wa lumela.

“Eeni,” u lumezi. A mubuza kuli na ka lumela cwani. Ki hali, “Haiba Mulimu na konile kutonisa muuna muhulu yani kumukutiseza kubona kwa hae, wakona kufa mbututu waka bupilo.” Amen. Ñalelwa ya mu kenya ku zona. Haki sika kwa neku laka; Ne ni boni fela pono.

Se nili, “Mulena Jesu, Ni boni pono ya mbututu yomunyinyani, ukona kuba yena yo.”

Ka yona nako yani ya lahaka mautu a yona, cwana, “Wha! Wha! Wha!”

Se nili, “Mulatelele muye ku dokota. Unge pampili ya ñozi dokota, ‘Mbututu yani na shwile.’” Mi ki. . . dokota yana ñozi piho yakuli, “Kubuyela kwa mbututu yani, pilu ne ituhezi kunata, mwa ofisi yaka ka naini kiloko, na shwile ka katabi ni salami se siñata.” Oh, mbututu yani wa pila kwa Mexico busihu



boo, kuya ka mo Ni zibela. Kiñi? Ñalelwa ne ikeni mwa pilu ya me yomunyinyani yani, inza lila bakeñisa mbututu wa hae, yana boni Mulimu ha eza. . . ha folisa meto a sibofu, mi a ziba kuli Na ka zusa mbututu yana shwile.

149 Ñalelwa! “Ha mu ka Ni bata ka lipilu za mina kaufela, Ni ka mi utwa.” Mwabona?

150 Mubuso! “Mulao ni bapolofita ne liliteni kufitela ku Joani. Kuzwa nako yani, Mubuso wa Mulimu ubile u bulelwa, mi mutu ukena mwa Teni ka tata.” Ha mu yemi fela fakaufi ni kubulela kuli, “Ha ku ni nanulele mwa kola, Mulena, ni kasheze mwahali.” Mwa ikapeleza ku Ona katata. Mwa ba ni ñalelwa, ki mwahala Bupilo ni lifu.

151 Kambe Nina ni nako ya likande leliñwi, lene Ni sweli kunahana ona fa, la musali, musizana, yana ile musipili o maswe, ni mwa na sa fetulezi makepe asili ni lika zeñwi, kufitela Ni bulela kuli, “Kezeli. . .”

Ayema ni kubulela kuli, “Ni—Ni lumela kuli Ni kaba hande.”

Se nili, “Batili, batili! Ina ona foo.”

Mi he, taba yapili mwa ziba, akala kulapela hanyinyani cwalo, mi kapili akala kuhuwa ni kuhuwa. Kasamulaho nyana akena mwa ñalelwa, ali, “O Mulimu, ni pilise!”

152 Ba Milyani ya macwala ne ba si ka mutusa. Hakuna sika sene si ka li eza. Kono ona meto, amatuna amansu ani ani talima, ni mioko yawa fa malama a hae; mi ali, “Sesiñwi si ezahalile.” Oh, eehe! Eeni, sha! Sesiñwi si ezahalile. Na bile ni ñalelwa.

153 Halubeni ni ñalelwa ka se; mwahala lifu ni Bupilo.

154 Haiba haubi ni ñalelwa, usike mane wataha kwanu. Haiba una ni ñalelwa, taha kwanu mi utalimele, uka—uka ba ni zona usa fita fela ona kwanu.

155 Halu lapeleni. Mubate Mubuso wa Mulimu ka ñalelwa, Uka taha ku mina.

156 Ndata luna yakwa Lihalimu, Na Ku lapela ka Libizo la Jesu, ube ni makeke ku luna, Mulena. Mi ukalise ku luna ñalelwa. O Mulena Mulimu, ulu utwele butuku, Na lapela, mi tuhela kuli sicaba si Ku bate busihu bo ka lipilu ze lobehile ka ñalelwa. Lu ziba kuli Uteni mo, Mulena. Wena uya swana maabani, kacenu, ni kuyakuile.

157 Mi cwale sicaba se sina ni Zibahazo se, bona baba zwile kwa lifu kukena mwa Bupilo, ba cincize kuzwa mwa bupilo bwa lifasi bwa kale kukena ku bobunca. Ba shimbulukile. Mali a lambilwe; mi, Mulimu, babe sisupo sa Zibahazo. Ha ba lwale Zibahazo yani mwa mazoho abona, bona baba kula, bali, “Ni sibiyana se si lekilwe sa Mulimu. Ni nzi ku Kreste, mi ku Yena hakuna matuku. Ni inzi ku Kreste, mi ku Yena hakuna sibi. Ni inzi ku Kreste, mi ku Yena hakuna kusa lumela. Ni hanyeza lika kaufela za ni

bulelezi diabulosi. Ni amuhela Zibahazo yaka kuli. . . ‘Kanti sa na titikezwi ki libi za ka; Sa na holofalezi ki bumaswe bwaka; koto ye ni fumani kozo ka yona ne iwezi Yena fahalimu; mi ka miupa ya Hae Na foliswa.’ Mi cwale Ni sweli Zibahazo, yakuli Mulimu uni lemuhile, kuli mulelo wani, Mutu, ya lekilwe ka Mali a Mulena Jesu. Mi Ni sweli Zibahazo ya lifu la Hae mwa mazoho aka, kakuli U zusize hape, mi Ni wa Hae mi Yena ki waka. Ni ya ka tumelo yesa kakanyi, kuzwa mwa busihu bo kuya kwapili, Ni lumela ku Mulimu, mi Ni ka foliswa ha Ni ka yo fita fani ni ku fita fa lika zetokwahala.”

Kakuli, Manzwi a mafelelezo an azwile mwa milomo ya Hae, neli kuli, “Habaka beya mazoho ku ba bakula, ba ka foliswa.” Lumeleza cwalo, Mulena. Ha ku be ñalelwa, kakuli Ni kupa ka Libizo la Jesu. Amen.

Na kona, Nika kona, Na lumela;  
Na kona, Nika kona, Na lumela;  
Na kona, Nika kona, Na lumela  
Kuli Jesu wani folisa cwale.

Oh, Na kona, Nika kona, Na lumela;  
Na kona, Nika kona, Na lumela;

Munahane fela, “Na ikataza luli!”

Na kona, Nika kona, Na lumela  
Kuli Jesu wani folisa cwale.

<sup>158</sup> Mwa lumela cwalo? [Kopano ili, “Amen.”—Mu.] “Naeza katata! Na eza katata, ka sishemo sa Mulimu, kuli Hanina kutuhela kufitela Sesiñwi sani si ni wele. Mi Niya ni pahama kwani kuli ni beiwa mazoho.”

Cwale, Mulimu ha si ka lu palelwa kale. Mi Ni lumela kuli Ñaka wa niti ki yo fa. Ni lumela ku Mulimu yana ñozi Linzwi, Ni lumela ku Mulimu yana ezize sitabelo, Ni lumela mwa Zibahazo ya Mulimu ya lu kenisa mwa sibi busihu bo, yona Zibahazo, Kuba Bupilo bwa Hae luli, uteni mo ni luna. “Ni kaba ni mina, kuisa ni kwa mafelelezo a lifasi. Fa nako nyana lifasi halina ku Ni bona, kono mina mu ka Ni bona, kakuli Ni kaba ni mina, mane ni mwahala mina, kuisa kwa mafelelezo.” Mwa lumela cwalo? [Kopano ili, “Amen.”—Mu.] Ni sepile ku Yena. Ni lumela kuli Uka eza cwalo. Mina bo? [“Amen.”]

<sup>159</sup> Cwale, haibile fela Ni kala cwalo, Ni bona lipono inge litaha, amen, lipono zetuna za Mulena, ze bulela lika zetuna. Amen! Haiba Ni kalisa zeo, lukaba mo busihu kaufela. Kana mu ka li lumela? Kana mwa lumela? Amen! Ni lumela ka pilu yaka kaufela.

<sup>160</sup> Kalibe yomunyinyani yainzi kwande kwani yazwa ku Muzwale Palmer, ki muenyi ku na. U zwelela kwa Georgia, mi u katazwa ki butata bwa sisali. Haiba uka lumela kuli Mulimu uka

mu folisa, Uka li eza. Nali kuba ni mubone musali mwabupilo bwaka fateni, kono sani kona se sili butata ni yena.

<sup>161</sup> Musali yomunyinyani yani, Hani zibi kamba akile autwa fateni Liñusa, kamba kutokwa, kono hane Ni sweli ku kutaza fa, Ni mu boni. Mu lumele fela mi mubone haiba yeo ki niti. Amen. Haiba mukona fela kulumela! Yeo ki niti.

<sup>162</sup> Kalibe ya inezi kwa mulaho kwanu ni butata bwa pilu, ukula hahulu luli ha butuku, libizo la hae ki musala Bo Wisdom. Haiba uka lumela ka pilu ya hao kaufela, Jesu Kreste wa ku folisa. Nali kuba ni bone musali yo mwa bupilo bwaka, kono uteni fani, wa nyanda. Utinile ndelesi ya mubala wa buñandatalukeke. Kana ki niti yeo? Ku lukile. Kana lu baenyi ku mañi ni mañi nji? Eeni. Ku lukile, sha. Zamaya kwa ndu, u foliswe. Jesu Kreste wa ku folisa. Amen.

<sup>163</sup> Musali yomuñwi ya sa zo swala sani, wa butata bwa mukokoto, yainezi ona fa. Una ni butata bwa pilu. Una ni mwana mushimani, mi una ni butata bwa toho. Uh-huh. Yeo ki niti. Musala bo Parker kona libizo la hae. Kikuli u lumezi ka pilu ya hao kaufela, mi Jesu Kreste uka mi folisa sibeli sa mina. Amen! Mu baenyi ku na. Yeo luli ki niti. Amen! U lumele ka pilu ya hao kaufela.

<sup>164</sup> Ki yo fa muuna muhulu yainezi fa ya zwelela kwa Michigan. Una ni butata mwa lizebe za hae. Oh, unahana manzwi, ki butata bwa moya. Kana ki niti yeo? Wa lumela cwalo kuli—kuli. . . Ha uzibi kamba ki Mulimu, kamba ki sikamañi se si bulelanga ni wena. U utwanga lilata mwa lizebe za hao. Na ni muenyi luli ku wena. Haiba yeo ki niti, nanula mazoho a hao mwa halimu, mi ona seo kona se si ezahala. Halisana ku kukataza hape ni kamuta, Jesu Kreste wa kueza hande.

Kana mwa lumela ku Ñaka yomutuna? [Kopano ya nyakalala ni kubulela kuli, “Amen.”—Mu.]

<sup>165</sup> Ne ni ka bulela ku wena, kono, uzwa kwa Norway, mi ha utwisisi; sishobo sa si Norwegian. Uh-huh. Ku lukile, amu mubelele kuli aye kwa ndu, wa lumela, kezeli, haiba wa ziba mwa ku bulelela. Mu bulelela kuli butata bwa hae bwa toho bu ka mu siya. Cwale, mu ziba kuli Na hani mu zibi. Utile kwanu ka kuzwelela kwa Norway, utezi ku to lapelelwa. Kuta ikele, uli muuna ya iketile. Amen.

<sup>166</sup> Oh! “Jesu Kreste ki ya swana maabani, kacenu, ni kuyakuile!” Ki sikamañi seo? Kona Siita sa Mulilo sani. Kona Moya o Kenile wani. Kona yona Zibahazo yani, yena Jesu Kreste yani wa pila. Mi cwale, kale kafoo, ni Mu boni haeza lika zani, Na lemuñile milelo ya bona kakuli ki Yena Linzwi. “Mi Linzwi li buhali kufita mukwale o lozizwe kafa ni kafa, mi li lemuha milelo ni maikuto a mwa pilu.” Amen.

<sup>167</sup> Ni boni mezi a hasa, mi mutangana ya taha. Na utwile, ni kubala buka kwani, mi a ñola, mwa si Norwegian. Una ni ku

utwisisa; mutu yomuñwi ali ku yena. Una ni butata, kono, haiba uka lumela ka pilu ya hae kaufela, Mulena Jesu uka mu folisa. U tile musipili omutelele, ni mwana ya nyandile, ka sona, inza lika kuikataza mwahali. Mi luka mu beya mazoho, mwa muzuzu fela.

<sup>168</sup> Kana mwa lumela? [Kopano ili, “Amen.”—Mu.] Amen! Haki bunde ni boo! Oh, mawi! “Ñaka yomutuna cwale ufa kaufi!” Kezeli, ukai Kezeli Ungren yani, ni kezeli yomuñwi yani fa piano? Ni bata kuli mutahe kapili, haiba mwa kona, mi mulufe pina, “Yena Ñaka yomutuna yani cwale ufa kaufi, ki Jesu ya musa.”

<sup>169</sup> Ni bata kuli sicaba sesili kwa neku le *kwanu*, ba ba bata ku lapelelwa, shangwe ha mutahe kwa neku le *kwanu*, ki sibaka silisiñwi ka nako. Muzwale Neville, uze cwalo haiba ukona. Ukai Muzwale Capps kamba alimuñwi wa baopelisi ba lipina bani? Kucwani ka Muzwale Ungren, kamba Muzwale Capps, kamba mañi kaufela, mutahe kwanu, muka opela, lu etelele mwa pina ye haiba wakona. Kana Muzwale. . . Ukai alimuñwi wa mizwale bani? Ku lukile. Ku lukile, shangwe, seo ki sesinde. Ku lukile. Mañi ni mañi abe mwa litapelo!

<sup>170</sup> Muhupule, ñalelwa! Mwabona ñalelwa se ikaeza? Ñalelwa ika miisa kwabuse bwa nuka. Ñalelwa ika mi kenya mwa sibaka sesiñwi. Ñalelwa ika mi kenya kuya kusili. Ndate wa kale yomunde ni mwana hae wa musizana, ni ñalelwa, yana lika kukena mwahali, ba tahe mwahali, lika zeñwi kaufela, ni kuina fafasi ona foo; linako nyana fela ze fitile Moya o Kenile no patuluzi sika mwa mukopano, mane Ni si ka fita kale kwanu. Oh!

Ki pina yende hakalo yekile ya opelwa,  
Jesu, Jesu ya fuyozwi.

Ñaka yomutuna cwale ufa kaufi,  
Ya sishemo . . .

Mulena Jesu, alaba, utwa tapelo ya mutanga Hao, Mulena. Ni lapela kuli U kopane ni mañi ni mañi wa bona ni kuba eza hande, kwa Kanya ya Hao, ka Libizo la Jesu

. . . linzwi la Jesu.

Pina ye munati hakalo mwahala munembo,  
Libizo Leli munati fa lulimo lwa nama,  
Oh, pina yende hakalo yekile ya opelwa.

Tuhela kuli baba na ni ñalelwa cwale, baba ziba luli ba ka foliswa. . . Mu nahane fela, kuya ka mo Ni zibela, ki baba lipesenti ze mwanda, kuzwa la Sunda busihu, bene ba folile biki ye.

Ki ya shemuba . . .

<sup>171</sup> Mutokomele, Wa taha. Mwabona, U sa mi folisize kale. U tisa Linzwi la Hae, Wa Li paka, U bonisa Pata ya Hae. Hakuna yakona kueza lika zani kwanda Mulimu. Mwa ziba cwalo. Ki

sisupo sa Mesia. Mi muziba kuli ha ki Na Mesia, kacwalo ki Yena. Cwale fa Upakile lika kaufela ku mina.

Cwale si lukela ku mi kenya mwa ñalelwa. Si lukela kubeya malaiti mwa sibaka mo ni kuswala. . . Batili, ki kua fela inge me—me—me—me menkisi kwa muyengo wa musili. Kaniti! Mi si lukela kupancisa tumelo, mi—mi lilato ni ñalelwa li kenya sicaba sani mwa Mubuso wa Mulimu, ka kulumela ka lipilu za bona kaufela. Kana mwa lumela cwale, mañi ni mañi wa mina? [Kopano ili, “Amen.”—Mu.] Ku lukile. Cwale, Billy, muba ni. . .

<sup>172</sup> Tony, talima kwanu fa muzuzu fela. Ha ni si ka kubona fa nako yetelele, kono wa kula. Ukatazwa ki nto yeswana ni kusulula mali. Yeo ki niti. Ku ka lisela. Li ka ku siya. Ni boni nto yani inge imulatelela, hana kala kutaha kwanu. Hakuna sika se si kona kuipata fapila Mulimu ka nako ya cwale. Hani sika bona kale. . . Ha ni si ka bona Tony mwahala likweli, Na sepa, kono Ni bona kuli una ni zeo. Nana ni zona; ka nako ye ha sana cwale.

<sup>173</sup> Halu inamiseni litho za luna. Kusike kwaba liito le li ka tona. Kutokwe nihaiba liito le lika talima talima. Halubeni mwa tapelo mañi ni mañi. Mi Billy Paul kamba Muzwale Neville, alimuñwi, uka biza mukoloko omuñwi ha se ili nako. Cwale mañi ni mañi abe mwa tapelo. Luka lika cwale; sibaka sa fahali si ka taha kwa neku la mina la nzohoto ha mu bizwa, mi kacwalo mukaba ni mina bakwa—bakwa lizoho la nzohoto mutahe cwalo *kwanu* kwa neku la nzohoto ya mina ha mu ka bizwa. Muzwale Neville uka mi biza.

Cwale, ha ni zibi haiba kuna ni mizwale kwanu baba tabela kuyema kwanu mi ba beye mazoho abona fa sicaba se habanze ba taha cwalo, hamoho nina? Yomuñwi wa mina mizwale ba bakutazi kaufela, shangwe mu amuhezwi kueza cwalo. Hakuna sifunda kwanu. Muna ni liswanelo za ku lapelela bakuli ka kuswana fela sina Na.

Ni ziba kuli Moya o Kenile uteni mo. Kaufela yasike ku lumela cwalo, kuna ni se si fosahalile ku yena.

<sup>174</sup> Ku lukile, ha lu lumeleñi cwale ka lipilu za luna kaufela, kuli Mulimu alumeleze lika ze lukupile ze. Mube ni tumelo cwale. Musike mwa kakanya.

Mi mañi ni mañi amu lapele, mu lapelelane. Kana Bibebe ibulela cwani? “Lu ipulele libi za luna yomuñwi ku yomuñwi; ku lapelela mañi. . .”

<sup>175</sup> Mi mina sicaba mutahe mwa mukoloko, haibile fela mazoho a ami swala, muka zwa mo inge mutabile ni ku lumba Mulimu kuli mu folisizwe.

Ku lukile, mañi ni mañi mwa litapelo cwale Muzwale Capps hanza etelela mwa lipina.

Mulena Jesu, cwale lutuse. Na lapela, ka Libizo la Jesu Kreste, kuli Moya o Kenile uswale mutu kaufela, mi ha ba foliswe

halunze lu latelela litaelo za Hao ka kubeya mazoho fa bakuli. No ize, “Ba ka foliswa.” Lwa lumela cwalo, Ndate, ka Libizo la Jesu. Amen.

Ku lukile, mañi ni mañi abe mwa litapelo halunze lu lapela. Pili, ki mushimani yomunyinyani ya kula mwa sipula sa mawili.

Lu beya mazoho ku mwana yo, ka Libizo la Jesu Kreste, kuli abe hande afoliswe.

Eeni, sha.

Ka Libizo la Jesu Kreste . . . [Muzwale Branham ni bakutazi ba beya mazoho abona ku babali mwa mukoloko wa litapelo wani ka mizuzu ye eitini, kono litapelo ha li utwahali. Kopano ya lapela ni kuzwelapili kuopela *Ñaka Yomutuna Cwale Ufa Kaufi—Mu.*]

Pina yende hakalo yekile ya opelwa,  
Jesu, Jesu ya fuyozwi.

<sup>176</sup> Ki babakai ba mina baba lumela kuli Mulimu kaniti, mwa kolwa cwalo mwa pilu ya mina, ka sepo ye tiile, kuli Mulimu u alabile kupo ya mina kakuli mu utwezi Linzwi la Hae? Ku felile. Ku felile. Ku—ku petahalile. Mu Mu lumele ka lipilu za mina kaufela, kuli ki musebezi o felile.

<sup>177</sup> Cwale mulemuhe biki ye, mi ha mu ka yo kuta hape, mu lemuha se si ezahalile.

<sup>178</sup> Ni sepa kuli, ka nako yetatama ha Ni ka kuta, haiba Mulena alata, Ni ka zamaisa mukoloko wa litapelo kufita mwahala yeñwi ya libaka ze, mwa muzuzu omunyinyani wani o Ni lukela kuba isa ku ona, mwa bona. Ni lumela kuli iya i putuluha cwale, mwa bona, mwa hola.

<sup>179</sup> Ni bata kutaha fo Ni kona kutisa sicaba ka nako iliñwi, ku talimana ni alimuñwi ka alimuñwi, konji ha Ni ka li bata ni ku lifumana, ni kuzwelapili ona cwalo, konji ha Ni ka ina ni bona ka nako yeñwi.

<sup>180</sup> Mulimu ami fuyole kaufela mina. Lu tabile hahulu mubile teni mo. Kana muna ni . . . Kana mwa tundamena cwale? Kana mwa . . . Kana mukeni mwa ñalelwa, ñalelwa ya mina yene muna ni kwa foliso ya mina? Kana ifelile kaufela cwale, mwa lilato ni tumelo ni sepo kuli Mulimu uka eza Sa na sepisize kueza? [Kopano ili, “Amen.”—Mu.] Mulimu uka eza.

Kuzwa kwa bana babanyinyani bani, kuna ni bababeli kamba babalalu mwahali mo busihu bo, mwa lipula za mawili, Ni . . . Lu ka ba lumelela kwateni, ki babana, kuli ba ka foliswa, nibona. Ba ka ba hande. Kana ha mu lumeli cwalo? [Kopano ili, “Amen.”—Mu.] Amen! “Ba ka foliswa.” Bana ni kueza cwalo. Mulimu na bulezi cwalo. Mi luna ni ñalelwa, mi lu ka li lumela cwale, kuli li ka ezahala.

<sup>181</sup> Cwale, lisebelezo zaluna lina ni lika zeñata sika mwa mulaho wa sesiñwi. Cwale lu ka lukulula sicaba nyangela kubaba lukela kuya. Mi mo Ni bonela, seli mizuzu ye ketalizoho ni yemilalu kufita fa teni kiloko. Mi, haiba muna ni kuya, luka—luka ba baba tabile kwanu, mi lu bata kuli mukute mutoba ni luna. Mina babañwi, kasumulaho lu mano yema, luka ina hape; ni bani babaya, muye fela ka kukuza mo mu konela. Mi kipeto lukaba ni sebelezo ya mulalelo kasumulaho wa sani. Mu memiwa kuli muine haiba mwakona. Haiba hamukoni kuina, Mulimu ami fuyole. Mu ni lapelele. Ni ka mi lapelela. Mi, muhupule, mubone kuli Zibahazo ilambilwe, mi mube ni ñalelwa kuli mukene mwa Mubuso wa Mulimu. Amen!

Cwale lu ka opela pina ya luna ya kuzwa, haiba lukona, mi, *Unge Libizo la Jesu Ko Uya*, halunze luyema.

. . . Libizo la Jesu ko uya,  
Mwana wa maswabi ni bumai;  
Lika kufa tabo ni buiketo. . . (Mwakona ku  
batisa cwale.)  
. . . lona kaufela ko uya.

Libizo Lelinde, Libizo lelinde! Oh kwa munati,  
Oh kwa munati!  
Sepo ya lifasi ni tabo ya Lihalimu;  
Libizo Lelinde, Oh kwa munati, kwa munati!  
Sepo ya lifasi ni tabo ya Lihalimu.

Mu swalane mwa mazoho, muli, “Mulena aku fuyole, muzwale waka wa muzamai, kezeli.” Ka niti, ka kusepahala, ka likute, ni balikani ba Bakreste mwa tamahano ya kutwano, mu swalane mwa mazoho ni, muzwale ni kezeli. Mulimu ami fuyole, hamoho. Kibunde!

Na Mu lata, Na Mu lata  
Kakuli U ni latile pili  
Ni kuleka puluso yaka  
Fa kota ya Kalvari.

Kufitela lukopana! kufitela lukopana!  
Kufitela lukopana kwa mautu a Jesu; kufitela  
lukopana!  
Kufitela lukopana! Oh, kufitela lukopana!  
Mulimu abe ni mina kufitela lukopana hape.

Kufitela lukopana! kufitela lukopana!  
Kufitela lukopana kwa mautu a Jesu; kufitela  
lukopana!  
Kufitela lukopana! kufitela lukopana!  
Mulimu abe ni mina kufitela lukopana hape.

[Muzwale Branham ukala kuñuñuna kuli *Mulimu Abe Ni Mina—Mu.*]

<sup>182</sup> Ona kutwano yendende hakalo ye ya Zibahazo yetuna ya Mulimu, ona Moya o Kenile, mi cwale Aine ni mina ka kutala kufitela lu kopana hape. Sishemo sa Mulimu sibe ni mina, a pumake linzila za lifu kwahule ni mina; kuli mizamao ya mina ibe ye kenile, kuli mukone kubona Jesu kamita fapila meto a mina, mi hamuna ku zikinyeha.

<sup>183</sup> Ndate yakwa Lihalimu, lubeya sebelezo ye, ni sebelezo ya kakusasana wo, lisebelezo zani ni ze ezahalile, mi ni kanya kaufela ibe ku Wena, lufa ku Wena buitumelo ni tumbo ka kupilisa batu, ni ka kufolisa batu, ni ka ku lufa sishemo sa Hao seo lutalimela ku sona luna kaufela. Lu pilise. Mo luitumelela ku Wena ka se. Ba ni luna cwale kufitela lukopana hape. Kopana ni luna mwa mulalelo. Ube fa liwili la baba zamaya ni limota, Mulena, kuya kwa malapa a bona. Ba zamaise mwahala mazazi a pumulo ye lunya ye, kuli kutokwe sinyeho kamba kozi yekona ku ba tahela. Ka Libizo la Jesu Kreste lwa likupa. Amen.

Ku lukile, *Unge Libizo La Jesu Ko Uya*, hape.

Unge . . . Libizo la Jesu . . . (Mu lukuluhile  
cwale, ka Libizo) . . . ko uya,  
Kuba tebe kwa lila kaufela;  
Mi miliko ha ukubeya mwahali . . .

Ki sikamañi se mueza he?

Mubulele fela Libizo le likenile lani mwa tapelo.

Libizo Lelinde, Libizo lelinde! Oh kwa munati,  
Oh kwa munati!

Sepo ya lifasi ni tabo ya Lihalimu;  
Libizo Lelinde, libizo lelinde! Oh kwa mutani,  
kwa mutani!

Sepo ya lifasi ni tabo ya Lihalimu.

Ka Libizo la Jesu lwa kubama,  
Luwa ka mañwele kwa mautu a Hae,  
Mulena wa malena mwa Lihalimu luka  
Muapesa mushukwe,  
Fo musipili wa luna ufela.

Libizo Lelinde, Oh kwa munati!  
Sepo ya lifasi ni tabo ya Lihalimu;  
Libizo Lelinde, Oh kwa mutani, kwa mutani!  
Sepo ya lifasi ni tabo ya Lihalimu.

<sup>184</sup> Cwale musika ina fela kale, sicaba ha si kutumana kulibelela sebeleza ya mulalelo.

Haiba ha Ni lyanganehi, kana yo ha ki Muzwale Blair nji, mukutazi ye ne Ni katani kwa Arkansas ha ki kale hahului? Ni hupuzi kuli ki yena. Ne ni sa zibi hande. No tile kwanu ku to neela mwana, yo munyinyani, kakusasana cwana. Ni hupuzi cwalo . . . Kana Ne ni sika ku katana ha ki kale hahulu, kwanu



kwa Hot Springs, Arkansas? Ni wena neli kwa . . . Sesiñwi ne si bata ku ezahala, mi Moya o Kenile wa biza. Neli cwalo kana? Kihande. Fela ni . . . Ni nahanile fela ka nako yani, Ne ni hupuzi, “Yani ki yena muzwale.” Ni tabile hahulu muteni mo, Muzwale Blair.

<sup>185</sup> Cwale Ni ka kupa Muzwale Blair haiba uka lapela kuli Mulimu alu kenise cwale kwa mulalelo o libelela kuezahala. Kana uka eza cwalo, Muzwale Blair? [Muzwale Richard Blair wa lapela—Mu.] Eeni. Eeni, Mulena. Lumeleza cwalo, Mulena. Eeni, Mulena. Eeni, Mulena. Eeni, Mulena. Eeni. Eeni. Amen.

Mwakona kuina cwale, mañi ni mañi.

<sup>186</sup> Mi cwale fa siñwañwa, kezeli, haiba kaufela ne mu ka liza fela kuli *Kuna Ni Siliba Sa Mali*. Mi mwakona kukalisa za mina . . . amu baise kwani, kaufela ze lukela. Ku lukile, palo cwale, haiba luka ba fela . . . amu kuze fa nako nyana fela.

Eeni, kezeli? [Kezeli uli, “Ni ngele kataulo kaka?”—Mu.] Ku lukile, kezeli, utalimele fela fa kufitela uka fumana, seo sikaba hande, kaufela se siliteni. Kona cwalo? Ku lukile, kezeli.

<sup>187</sup> Ku lukile, cwale Muzwale Neville uka bala swanelo ya mulalelo.

Mi kipeto balibeleli ba fa munyako ba kataha, haiba kuna ni baenyi mo, ku mutu ni mutu kuli aine, mi mutise siemba ka siemba, halunze lu taha, ni kalulo ka kalulo, kutaha kwa mulalelo.

<sup>188</sup> Mi cwale ha lu nahaneni fateni cwale. Muhupule, Isilaele na cile mwa ñalelwa, mi ha bakena mwa musipili nekusina ya fokola ni yomukana mwahala bona, kwa mafelelezo a lilimo ze mashumi amane. Ye ki foliso ya Bumulimu, hape.

Mulena aku fuyole, Muzwale Neville. [Muzwale Neville ubala Liñolo leli tatama, Makorinte Bapili 11:23-32—Mu.]

[*Kakuli Na ni amuhezi ku Mulena se Ni mi file sona, Kikuli Mulena Jesu mwa busihu bo a betekilwe na ngile buhobe:*]

[*Amano itumela, a bu komauna, mi ali, Mu nge muce: se ki mubili waka, o lobehezwi mina: mueze se kuli mu ni hupule ka sona.*]

[*Kamukwa o cwalo anga sinwisi, ha se ba lalezi, mi ali, Sinwiso se ki bulikani bo bunca mwa mali aka: mu eze seo, kamita hamunwa mwateni, kuli mu ni hupule ka sona.*]

[*Mi cwale kamita ha mu ca kwa buhohe, ni kunwela mwa sinwiso seo, ikaba mubulela lifu la Mulena mane a kute.*]

[*Kabakaleo mutu ni mutu ya ca kwa buhobe bo, mi anwela mwa sinwiso sa Mulena, ka mukwa o sa swaneli, ukaba ni mulatu wa mubili ni wa mali a Mulena.*]

[*Mutu ni mutu aitekule kihona, mi cwale ace kwa buhobe, mi anwele mwa sinwiso seo.*]

[*Kakuli ya ca mi a nwa isi ka swanelo, uicela mi uinwela katulo, asa lemuhu mubili wa Mulena.*]

[*Kabakaleo kuna ni ba bañata ku mina baba fokola ni baba kula, mi ba babañata ba se ba shwile.*]

[*Kabe lu ikatula ili luna, kabe lu sa atulwi.*]

[*Kono ha lu atulwa, lu kalimelwa ki Mulena, kuli lusike lwa atulwa ki lifasi.*]

[Muzwale Neville uli, “Mulena afuyole palo, ya Linzwi.” Muzwale Branham unga liselo la sinkwa se si komaunilwe—Mu.]

<sup>189</sup> Ni sweli sinkwa se si sina mumela, se si shanaukile ni ku lobakiwa, ili kuyemela mubili wa Jesu Kreste; kuya—kuya ka lisila le litibela le luna ni kolo ya kupunya mwa sibaka se Sikenile kufitisisa.

<sup>190</sup> Ndata luna yakwa Lihalimu, sinkwa se si lukisizwe ili kuyemela mubili o lobilwe. Mi mañi ni mañi wa luna, halunze lu si amuhela, haiba mane inge kuli luna ni yona kezo yateni kasibili. Mi lube ni swalelo ya libi za luna, ni kolo ya kukena mwa sibaka se Sikenile kufitisisa, kuli lupile mwa Kubateni kwa pata ya Hao mwa bupilo bwa luna bwa kwapili; ni mazazi kaufela e luka pila mwa lifasi le, mi lube ni Wena mwa Kanya kuyakile. Lumeleza cwalo, Ndate. Fuyola sinkwa se kwa musebezi wateni. Ka Libizo la Jesu. Amen.

<sup>191</sup> [Muzwale Branham unga liselo la likomoki zenyinyani ze pwaceha zetezi waine—Mu.] Bibeke iize, “Amano Inga sinkwa ni ku si komauna, ka mukwa o swana A nga ni sinwelo; mi Amano nwa, ali, “Se ki sinwiso sa Bulikani Bobunca mwa Mali a Ka, a suluhezi mina.” Mi Mulena alumeleze limbuyoti za Hae fahalimwa luna halunze lu lapela.

<sup>192</sup> Mulena Jesu, Ni sweli mali a waine, ili veine yezwile kwa magilepu. Mi, Ndate, ili kuyemela Mali amande ani alu kenisa, kuli kuzwa ku Kuona kuzwile Zibahazo. Na itumela ku Wena ka Yona, Ndate, ni kwa sisupo se. U ize kuli, “Ya ca ni kunwa Se una ni Bupilo bobusafeli, mi Ni ka mu zusa ka nako ya mafelelezo.” Lwa itumela ku Wena ka sepiyo ye. Mi, Ndate, lu lapela kuli U kenise lipilu za luna, hamoho, kuli lube baba swanela ka. . . tumelo yaluna; lunze lu ziba kuli mwahala luna ha lu swaneli, kono tumelo yaluna haina ku palelwa, kuli lu amuhela handende ka swanelo Mali a Jesu Kreste. Lumeleza cwalo, Ndate.

<sup>193</sup> Mi kenisa waine kwa musebezi wa yona. Mi kaufela ya ka nwa kwa waine busihu bo, ni kuca kwa sinkwa se, abe ni mata a musipili o li fapila luna. Lumeleza cwalo, Mulena. Hababe baba

iketile mi baba tiile, ni kutala ka Moya wa Hao, kufitela Jesu ataha. Amen. [Hakuna manzwi fa tepu—Mu.]

<sup>194</sup> Ni lumela kuli Mulalelo ki nto ilimu ya zebutokwa hahulu, za moya, milapelo yemunati ku ye liteni mwa sebelezo ya keleke. Nekuna ni lika zepeli ze siyezwi luna, lika zetalu, za kueza, zeli—zeli litaelo ni milao. Batu babañata hahulu ba bulela kuli, “Luna ni mapo ya niti.” “Luna ni siemba sa sifapahano.” Kono nekuna ni lika zetalu ze siyezwi luna: Mulalelo wa Mulena, Kolobezo, Kutapa kwa mautu, kona litaelo zetalu ze ne siyezwi keleke.

<sup>195</sup> Mi kuna, busihu bo bu bonahalile bunde kuna. Hane Ni yemi fa ni kutalimela; hañata Ni—Ni banga nako kaufela mwa litapelo. Kono busihu bwa kacenu, ka kutalimela mabasi ashutana, ka kubona mabasi amañwi atile kwanu kukala ha ne Ni sa li mushimani wa mukutazi, mi kwanu ni fafasi fone kubeilwe bupi bwa kota, mi Na . . . babañwi ba bona ki babanca. Kono ka kutalimela baana haba taha ni basali ba bona ni lubasi, ni kubona mo ba fananela likute, ni butokwa bwa sona, mo ba tokomelela bana ba bona; ni kubona kalibe yomunyinyani ni a otolola mazoho ahae, ni kunahana kuli, “Lizoho lelinyinyani lani li tapisizwe, mi li takuzi mioko kwa meto a mbututu.”

<sup>196</sup> Mi Ni boni mabasi atile mo se Ni bile mwa malapa abona hane ba kula, ni libelenge, bana; Mulena Jesu aku folise bana ba bona. Ni ba boni hane ba bile ni butata bwa mwa lapa, Mulena no ni tusize kuli ni feze butata bwani; ku ba bona inge batabile hape. Mi Ni nahana fela mo ku ka bela halukaya kwa Mulalelo wa Linyalo o mutuna wan. Ni itumela hahulu kuli Mulena uni ezize kuba mulikana mina ni ku mitusa. Ni . . . seo kona se Ni bezi teni mo.

<sup>197</sup> Mi Na, mu nahane fela butelele bwa nako, ki lilimo zekai; fa seli mwendi, Ne ni kalile kukutaza, ka 1930, mi fa seli myaha ye mashumi amalalu ka zepeli kuna, cwale, myaha ye mashumi amalalu ka zetalu, Ni bile ni kutaza. Mi, kuikataza kaufela ni miliko ni, ze bonahala cwalo, niteni, hani—hani lutile kwanu, li—li libezwi. Mwabona? Muka—muka bonahala fela inge kuna ni sesiñwi ka za Mulalelo u kwahela fela kaufela—kaufela zona mwa lika, ka kunga Mulalelo. Mulena ami fuyole.

<sup>198</sup> Yomuhulu cwale aye, ayo bala Liñolo la sebeleza ya kutapa kwa mautu.

<sup>199</sup> [Muzwale Neville ubala Joani 13:2-17, mi ukwala sebelezo—Mu.]

*[Ha ku se ku lalelwa, diabulosi ha sa kenyize mwa pilu ya Judasi Isikariota, mwana Simoni mulelo wa ku mu beteka;]*

*[Jesu ka kuziba kuli Ndatahe na beile linto kaufela mwa mazoho a hae, ni kuli na zwile ku Mulimu, mi na kutela ku Mulimu;]*

[A yema fa mulalelo, atubula sapalo sa hae; a nga taulo, mi aitama yona.]

[Ki ha sela mezi mwa mukeke, mi akala kutapisa mahutu a balutiwa ba hae, ni ku ataula ka taulo yana itamile ka yona.]

[Mi ataha ku Simoni Pitrosi: mi Pitrosi ali ku yena, Mulena, wena uli uka ni tapisa kwa mahutu?]

[Jesu amu alaba ali ku yena, se Ni eza ha u si utwisisi cwale; kono uka si utwisisa kwapili.]

[Pitrosi ali ku yena, Hauna ku ni tapisa kwa mahutu ni kamuta. Jesu amu alaba kuli, Ha Ni sa ku tapisi, hauna kabelo ni na.]

[Simoni Pitrosi ali ku yena, Mulena, i si ke yaba mahutu aka fela, kono ibe ni ona mazoho ni toho.]

[Jesu ali ku yena, Ya sa tapile utokwa kutapa kwa mahutu fela, u sa kenile kaufela: mi mina mukenile, kono hasi mina kaufela.]

[Kakuli na ziba yana ta mu beteka; ki kabakaleo naize, Ha mu si ka kena kaufela.]

[Ha sa ba tapisize kwa mahutu, a nga sapalo sa hae, a ina hape, mi ali ku bona, Kikuli mu utwisisa se ni mi ezize?]

[Mu ni biza Muluti ni Mulena: mi mu bulela hande; kakuli ki Na.]

[Mi Na cwale, Mulena ni Muluti wa mina, ha ni mi tapisize kwa mahutu; ni mina mu swanezi kutapisana kwa mahutu.]

[Kakuli Ni mi ezelize mutala, kuli mueze mo Ni mi ezelize.]

[Ka niti, niti, Na mi bulelela nili, Mutanga ha fi ti mulena hae; mi ya lumilwe ha fiti ya mu lumile.]

[Ha mu zibile zeo, muna ni mbuyoti haiba mwa li eza.]


[Mi Mulena afuyole palo ya Linzwi la Hae.]

[Haili baba ka ca kwateni, baana ba ka tapa kwa mahutu mwa sibaka se, ona kwanu; mi likalibe ba ka tapela mahutu abona mwa muzuzu wa kwa nzohoto, ona kwanu, mwa sibaka sesi nyinyani sa ku kolobezeza. Ki tato luli kubona babañata baba tabela kueza cwalo, mi baba kona, kutaha ku to nga sibaka ni luna mwa kutapisana kwa mahutu kwa.]

[Halu yemeñi hamoho? Ku bani baba lukela kuya . . .]

[Hape lu lubulela kuli luitumezi hahulu ni buitumelo fapila Mulimu ka lizazi lelinde le, le libile susuezo yecwana kwa lipilu zaluna, ka kubona Kubateni kokutuna mi ko ku mata kwa

Mulimu wa luna ka kutaha mwahala luna ku to ba mo kwa ku to lu susueza ni ku lu fuyola.]

[Halunze lu inamisa litoho za luna hamoho, lu kupa Muzwale Earl Martin haiba uka lukulula bona babana ni kuya.] 

*ÑALELWA* LOZ63-0901E  
(Desperations)

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Muimunene 1, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)